

楊文弱先生集

楊文弱先生集卷之十一

明 武陵楊嗣昌文弱著

農基

山梓

農者

孤兒山松同輯

孫農者

同較

山楸

農正

疏

覆昌宣太監密奏疏

該臣嗣昌覆看得西哈將馬求市其中狡僞難防臣部昨來擬議一面嚴兵緩講原未遽許之開一面遠偵確情亦

未遽與之絕所以然者非獨哈馬爲中國之資殺虎有見  
行之例難以一言拒謝也連年邊警鳩張盡收東西諸部  
爲其羽翼胡沙萬里之遠無一控弦之長與之抗衡此乃  
中國之患表餌莫施審時憂世之臣拊膺增歎者哈果貪  
漢財物但因求市而來則當繫其一綫未忘中國之心抑  
且空其羣馬見在不資敵用未必非禦敵之一策也但監  
臣鄭良輔之議以陵後當防狡詐之情恐始終難測洵屬  
思患預防臣部豈容遙揣合行宣大總督盧象昇合同總  
監分守撫鎮諸臣魏國徵等從長商酌妥確或另開市口  
或徑自阻回取具畫一之論星速奏聞以憑聖裁定奪一

面遠探真情嚴兵戒備凜凜常如對敵毋或怠玩疎虞致滋後悔可也

崇禎十年四月二十二日奉命旨

驚聞皮島潰失疏

竊臣頃接登萊巡撫楊文岳揭報皮島官兵於四月初八日被敵人夜襲軍兵助攻叛丁內潰大事去矣除臣席藁待罪另請嚴譴外所有沿海水陸處處堪憂合行申飭戰守謹擬後開款件上請聖明裁飭施行計開一登萊水兵據報提督陳洪範業已退據石城等島收拾潰散安插難民合依關寧總監高起潛及游擊戚司宗所議就於

皇城長山二島安置壁壘扼守津登門戶其關寧等鎮前  
洲水兵務要環集於此互相聯絡有警隨且策應每船多  
帶火藥乘海風烈日縱燒賊船果能善巧成功有旨不靳  
懋賞其或官船不足遵前部議募用漁船出竒制勝臣部  
一面差官解發太僕寺銀六萬兩專備該鎮購募賞功之  
用如果一人應募奏功登時給賞以鼓羣心毋得沉閣

一登萊陸兵已經奉旨暫調馮大棟回鎮再有不足東撫  
顏繼祖已題李績領兵赴登設防其黃胤恩之兵臣部議  
擬不必南去合催總理作速發回一並貼登戰守 一登  
萊班軍原係京邊修工之用難議通留但今該鎮緊急海

口傳烽瞭望各各需人合依監臣陳應祥所請比照馬大  
棟官兵一例暫留該鎮貼防如果敵警漸息海波不揚仍  
舊赴工應役不得執以爲例 一保定撫屬原有河間一  
帶信地與東省緊鄰唇齒合查新舊各兵某堪以調度一  
面整備行軍器具坐定職官兵數報開就便移駐境上相  
機進發該撫亦須親歷彈壓調度芻糧毋容諉誤 一天  
津糧運孔道比之殘破登鎮尤爲賊所垂涎其水兵除前  
調外尚有三千餘名船尚有六千餘隻儘可自成一旅前  
特開之以保護糧運家當今須視賊來路有何島嶼可以  
灣泊相機出奇毋容讓入門戶之內其陸兵若干聽總兵

劉復戎分布要衝嚴密防守如津門無警仍候策應東方  
該督餉侍郎賀世壽雖蒙予告一日未代仍須力疾勞師  
勉收保障之績 一薊鎮密遵各有海濱信地一面自撥  
陸兵瞭望防守如果信內有警應將何枝兵馬星馳截援  
俱要料理整暇先具職名兵數報聞免致臨期失措 一  
關門水兵前次調發據報三月十五日開洋未知見在何  
處其餘未調兵一千名船五十隻比津門較少亦要聯絡  
哨探扼要爭奇該鎮陸兵頗多量調車營四千前往天津  
等處聽候緩急馳赴東登應援先具將領兵丁名數報聞  
一面卽行進發 一寧錦水兵不多陸兵亦難遠調急切

整頓專備關門以備有警應援惟島中兵民潰回務須安插得所如有大小船隻收泊覺華島中就將兵民挑選一股勁旅准備游哨之用原係領兵將官中軍千把總等一切仍其舊職以安初附之心 一淮揚水兵前議抽選之外所存若干戰艦未據報知今茲事急合應另委能將統領兵二千名赴膠州卽墨等處會哨協援果能護登無虞亦卽所以自護其蘇松浙福大洋謹備非常務照前行料理策援款件奏報不得疎漏取責 一朝廷設立府州縣其市星羅俱係守土之官應有保民方畧本部前議嚴備海口責成青登萊順永河各道親自巡查州縣有司團練

土著就近協防如果措置有方亦自堪當一面此是各官  
身家性命豈惟展布功名合行嚴飭各盡乃心共圖實効  
朝廷止懸大賞大罰以隨其後決不爾欺毋或因循自貽  
伊戚一敵人從來狡詐聲東擊西今雖陷我皮島必是  
尚孔諸逆逞憤復讐肆牽掣詭計尤恐大舉精騎仍從  
薊遼宣大而來東西水陸同時並犯我則何兵可調何將  
可移必須督撫鎮道各各婢力同心自爲戰守如或督撫  
調度失宜鎮道抗違節制朝廷法紀森嚴臣部循職舉正  
毋敢吝隱各宜努力以上十款臣聞警倉皇滿盤打算備  
僅擬議如此循恐無裨防禦伏惟聖裁定奪

崇禎十年四月二十二日奉俞旨

直陳薊鎮事有可憂疏

竊臣受事一日具題覈實邊備預整防援立限十日奏報今踰期未到稍俟到齊覈擬上聞外乃有緊關重大含吐依違至今未決者無如薊鎮李時華削髮一事臣竊以爲非僅不決之難蓋亦可憂之至也朝廷設立鎮將紀綱名分相維原自不輕臣子砥礪官常清濁貪廉表率尤爲不細今李時華以路將而削髮也曰總兵官張天禮需索致然此事非同小可旁人豈無見聞如果有之則何難立暴總兵之罪萬一無之又何難直發路將之奸而今悠忽延

涸不聞正正堂堂有何建白是豈薊鎮地方僅有一路將  
一總兵互相乖戾而我皇上別無耳目腹心之寄哉噫臣  
之言至此竊有低回而不敢盡者矣方今邊烽未動鷲伏  
卽見鴟張我兵防練爭持首鼠仍同燕雀位莫大於專閫  
而不免爲路將詆欺事莫垢於要錢而不肯爲朝廷明白  
總繇紀綱弛盡節制蕩然無事如此因循有警其何足恃  
臣愚職掌所繫情面難徇懇祈聖明立勅督撫等官卽日  
從公具奏果總兵官有罪應與天下共棄亦何所私倘路  
將懷奸難容一夫干紀置之不問是非不容兩立黨伐休  
因異同文到五日不回臣請執簡而隨其後毋謂今日不

言也

崇禎十年四月二十四日奉諭旨

覆陳孝廉封疆殘傷已極疏

該臣看得流賊初起一切剿撫事宜責之陝西督撫自辦久而無功因有遠調客兵趕盡殺絕之舉行之數年兵豈全無奪斬賊乃彌見滋蔓良繇賊過州縣民間焚劫無遺兵從後來有司供頓不及於是罷勞饑渴之衆不得不有求芻索饋之情紀律因以難嚴梳篦之謠繼起前途或與賊交鋒力疲不勝或中賊鈎餌潛往投之將吏繩之過急役之不情餉之無實則又從而鼓譟叛逃爲賊助燄甚矣

客兵之功不敵過調援之得不償失而在東北西北邊兵爲尤甚以其有無知貪餌之降葬親故勾連之賊黨耳此蓋人人知之而苦無法處此未有明知覆轍仍舊踵行不思變易之理且今天下一家中國一人因有客兵可調人人思想調之假使春秋戰國小則方六七十如五六十之邦大則或五百里千有餘里之地爲之臣子豈因無可調兵不言戰守言及於此臣恐方今急務決當舍遠調而言近募後求人而先自強矣况我實有兵而不能用以自強乃令遠從流賊近爲土賊其強幾不可當而又別需調兵征剿得失利害豈不較然明白乎陝撫孫傳庭頃以延兵

難用川兵糜餉眼前無一可用爲憂舉人陳繼泰奏言會  
結鄉黨與賊交鋒塘報斬獲捷功足據奉旨下部見臣與  
之接談良久所言多中機宜退而再投一揭極言選練土  
著之捷且慨然以募練三千就在陝西剿賊爲已任臣甚  
壯之思惟燕昭致千里馬之義漢祖慰趙子弟之心若不  
仰請聖斷破格用人曷繇風動四方共平賊亂因茲不揣  
愚妄擬將舉人陳繼泰量授都察院司務銜就克陝西巡  
撫標下贊畫行令募練土著自爲一營聽巡撫酌給廩糧  
調度征剿本官授以此銜巡撫都察院堂屬相待體貌旣  
優事權歸一不授兵部銜者免於各營將領別有爭禮牽

掣之虞也。授官之後，臣部量給脚力，遣行。如果募練有方，征剿得用，該撫仍請朝廷大加陞賞。其或空言無當，聽憑覈實奏聞。此舉非爲一人，將以招致豪傑，鼓勵鄉團，使爲我用，不爲賊用。兼省遠調客兵，小民更遭流毒之慘。先朝襄毅楊博，每每責成府州縣教習鄉兵，有云：家自爲戰，可以消其從賊之心。人自爲守，可以爲我敵愾之用。又云：議者動以鄉兵法惰緩急難恃，不知近日地方之變，多係土人。何其勇於私鬪，怯於公戰哉！是在處置之得宜耳。臣誠至愚，願以前事爲法，伏祈聖鑒。裁奪勅下吏部，臣部遵奉施行。

崇禎十年四月二十四日奉命旨

恭謝天恩疏

該臣頃因東島潰失席藁具奏爲微臣受事雖淺負恩溺職已深請賜斥譴以昭國憲事奉聖旨卿宏猷遠畧謀畫精詳島衆潰失總繇防禦疎虞非關兵食缺誤著益燁方料理不必引咎該部知道欽此除卽日報名廷謝外臣伏讀天言一字一汗流浹背一字一泣下霑襟念臣視肉撮囊本乏平生之抱裹線面墨終牽草上之憂仰蒙華袞之褒已非其分康承斧鉞之賜更及於寬豈惟內省影衾彌重負恩之懼抑恐傳聞遠近將來竊位之譏方今邊腹未

寧無柰重增海警。儲需已匱。猶然未解兵乎。雖料理遽不敢辭。而缺誤憂終難塞。天恩寬臣於此日。豈能再寬於後來。臣計負恩於後來。不如乞恩於此日。或從臣前請。譴斥無待需時。或補臣同官。添註仍須備設。使臣早晚收集思之益。設遇緩急。多接手之人。斯則聖明自爲封疆之至計也。至臣別有下情。屬草已久。逡巡未敢上聞。茲謹另本具奏。伏祈聖慈鑒憐。

崇禎十年四月二十四日奏

微臣趨走彌月疏

竊臣刷鼠自前月二十五日入城。至今辦事衙門趨走都

市忽忽已及一月於心有戚戚焉不遑寧處者緣臣前奏  
青衣角帶出入丹陛已蒙聖慈矜允而未及於辦事私居  
用何服色以故初宿朝房之夜服烏紗帽墨紵員領墨角  
帶白布襪鞋時有來顧臣者多恠問臣此何考據臣對實  
無所考第聞往例文臣聞訃辭朝服色類然復有語臣彼  
乃一時權宜今終日在官遇當著靴爲是臣以爲然遂改  
用青布靴每日進署陞堂出署見客則皆以之若署中退  
居火房私居不遇客至冠履衣裳皆白以盡微臣子情臣  
在私居時少火房時多司屬時時見臣白衣相對非敢飾  
說然此心實皇皇然未忍卽以爲安也一日進士楊蕙芳

以其祖襄毅楊博年譜見貽臣細查其中有初聞奪情特  
召卽日衣麻趨命及兵部遣官捧檄至易服郊迎望闕謝  
仍返服疏懇終喪葬以大同告急中止等語而在官服色  
亦未有言因思萬曆初文忠張居正或有遺事求英文集  
讀之果有疏釋容令在官守制應支俸薪准令盡數辭免  
一應祭祀吉禮俱不敢與入侍講讀及在閣辦事俱容青  
衣角帶出歸私第仍以縗服居喪凡章奏應具銜者仍容  
加守制二字庶執事不廢於公朝下情得展於私室云云  
始悟微臣前奏始有一二偶同第於私居縗服未敢上聞  
在官俸薪未皇辭免耳竊臣受事月日無多憂迷荒謬無

所短長居然已見俸薪卽無前例尸素自當控辭至於私寓服縗雖可盡臣寸念然部務殷繁每日寅入酉出猶且不辦退而在寓能幾何時謬擬斟酌其間如入署在前堂公座出署或會議朝房則冠帶墨縗布靴以成禮若退食火房出居私寓毋論獨居見客則縗經冠履皆白以展情其肩輿傘扇係衙門等威似難別易此雖臣一身之事若不先具奏聞恐長安道上詫爲不祥異物而臣衙門職掌動關邊腹情形須與臣寮諮議博採見聞不容閉坐一室塗塞耳目非臣有暇周旋無端徵逐也至於俸薪一節雖屬朝廷頒爵之常以臣祿不逮養事不先食均有難於冒

叨尤不敢爲矯僞懇祈聖慈特容辭免少申孤臣孽子之心臣不勝迫切惶悚待命之至

崇禎十年四月二十四日奏

覆遼撫遵旨確議疏

爲照天下凡事皆言之易而行之難至於兵事則言之亦不易矣撫臣方一藻在遼中首尾六年其規遼事豈不深其用遼人豈不熟其慷慨而言恢復義州之事籌算俱有次第刻期二旬可完夫豈無見而易言然以臣靜觀獨撫臣感慨言之耳彼中鎮道未見有往復商畧之半詞總監會題亦未見有再加叅看之一語臣愚心竊疑之據撫臣

云與諸臣反覆詳商未有不躍然者臣等不須遙揣第祈  
皇上立勅撫臣以諸臣諄諄之文案踴躍之擔當一一從  
實奏聞仰請聖裁定奪如果監鎮道臣人人灼見其可兩  
旬竣事一一確保無虞必不至如臣等前奏種種不敢必  
之虞斯則奉以從事之不暇又何樂乎沮止之也

崇禎十年四月二十五日題

覆監科東事決裂已甚疏

該臣嗣昌覆看得皮鳥之潰固繇搬運家眷之搯惑人心  
亦因平日島中特多閑漢無事爭趨覓利如蟻附羶有警  
沒處逃身如魚在釜彼不問官兵之戰與不戰但計算敵

人之殺與不殺以數萬赤手空拳之衆爲一宵剃頭剪髮之謀蓋必至之情形亦熟爲之行徑也臣等心知如此蚤已憂之然不敢言撤島兵以犯忌之深惟欲先期散難民以密移之漸不虞事未及行禍已先作也科臣凌義渠傷首鼠之多端策譏防之急著謂石城長山之可駐乃目前招集之要區二島去北岸頗近南岸甚遙洪範恐初泊於茲再泊易地矣聞見在島將有沈志祥王世恭潘尚學李逢春高進功五員臣查島上差來塘報之官亦有許天貴在一面行牌與志祥世恭令多方招集所部官兵暫聽陳洪範調度安插皇城長山二島爲津登扼守門戶其餘難

民俱令西渡寧錦地方聽該撫鎮隨宜安插去後今科臣  
謂招撫難民二島果不堪駐無虞此則石城長山官兵且  
不可久難民更難暫存必須西詣寧錦就糧爲便但恐倉  
卒之際奔到津登地方該撫必須計口授餐俾其稍足資  
糧還赴寧錦此是第一件處法不可一槩謝絕致令饑餓  
而去轉生嗟怨者也陳洪範所統官兵遠則駐皇城島近  
則駐長山島以爲扼防之地其皇城以北差船直至旅順  
橫至石城不時游哨以備賊來窺伺預先報知皇城以南  
欽島鼉磯珠門廟島每處各安撥船亦如邊關擺撥之例  
遇警一島飛報一島以便水兵接續應援陸路先期戒備

此是第二件處法中間不可間闊隔撥不許攙越以致前船差去後船不接反至悞事也官兵近駐長山遠駐皇城津門糧運亦易接濟賊船不能飛越諸島致生截奪之虞設或意外譏防就令運船撥船同發程護送尤便此是第三件處法然此官兵遠駐度以春秋二仲爲期倘至風高海硬舟楫難行似當撤回守凍一面預辦釘灰早行修船一遇春晴凍解就便出洋不可遷延玩愒者也官兵既有信地難民別有依歸自可免生他慮如或兵民俱願西渡一時叢禱難稽則莫若覺華島中安插爲便此島百里之大寧遠咫尺之間米糧運用不難水陸又增犄角此是

第四件處法使其官仍爲官兵仍作兵無事時勤訓練有警仍遣出洋不可一毫移易以消磨其壯氣者也

崇禎十年四月二十五日奉聖旨這島上官兵難民接濟等項處法保議著陳洪範力加意偵防登岸寧錦各該撫監道通著恪遵務期撫綏防範各中機宜以保萬全爾部分投馳飭

直糾援剿大帥疏

竊照山西總兵官王忠奉命統領該鎮健兵前往河南剿賊渡河之日迎戰挫鋒頗稱奇捷不知何故纔到陝州便稱抱病堅卧杜門總理檄之而不應明旨責之而不聞以致宜陽等處一戰再戰潰敗不支白沙洲一譁再譁收拾不得竟從孟津奪船逃回四百而其餘亦相率解體去矣

雖云寧武之兵素慣譁戩不止一將爲然然往時山西餉例原薄給之多不以時遠戍貧難猶或借之口實今健兵之餉四倍常伍之多援剿之師另有行糧之給使王忠身先士卒立於桴鼓矢石之間誰敢逡巡退却卽不然而力疾勞師與同風雨饑疲之苦猶堪豫附調和乃初則以一中軍督之遠離帳下繼則付一營將任其孤注行間而已乃高枕於四五百里之遙若不同彼二三千人之命者是眞謂之棄師何所辭於養亂臣知之矣忠以行伍一丁官至總戎都督旣志意之盈滿而不肯向前亦身家之愛惜而惟思謝事朝廷恩寵若何而敢甘心仰負哉若曰患病

則臣叨宣大總督之日王忠管節制左營之兵悉其年力  
尚強機畧可用非果奄奄老病之徒豈臣去僅踰年而忠  
腕中遽有鬼也臣前聞報之日卽欲具疏拏問猶意勉率  
餘兵護歸原信前途庶免他虞後人不難瓜代而今兵已  
歸矣忠乃僵卧陝州意將自竇其支離適乃彌彰其狙詐  
此羣情之所觀望國法之所難容斷不可姑息從事者謹  
因會推新帥特請明旨行河南撫按拏解來京究問委卸  
之因明正逗撓之罪斯從今以後稟知國法森嚴軍紀明  
肅不敢有効王忠之所爲者於治兵盪寇大有裨補矣

崇禎十年四月二十六日奉諭旨

覆宣督撫監彙報邊情疏

該臣嗣昌覆看得天下事有本疑而難決者雖發言盈庭  
祇成築舍有本斷而不疑者卽三占從二可謂僉同如西  
哈市馬一節在宣鎮初報卽有許而不拒之心報至再三  
己有不復可疑之理臣部亦無異說矣旋因監臣鄭良輔  
有陵後地方不妨慎重之請臣等遂擬督撫監鎮會商畫  
一再奏定奪乃咨檄甫行而總督盧象昇總監魏國徵先  
後奏至在督臣謂遲疑不決使搖尾臨邊者反作門庭之  
寇非計之得在監臣謂講市果真不妨納其款誠因亦絕  
其他嚮倘任其飄忽再往投敵是以我之利資敵此亦明

白透徹之極應許而不應拒矣至於殺羊宰駝以過日子若沒明示定要回巢其情近真事機難錯應行宣鎮許其市馬但嚴兵戒備如臨大敵不許時刻疎虞仍禁內地奸人欺凌詐害及通同透露別項情形敢有犯者該督監審明梟示法不少貸其教目一節仍候督撫監鎮密行奏聞再爲擬議

崇禎十年四月二十九日奉諭旨

恭承召問疏

竊臣嗣昌受事一日卽具覈實邊備預整防援請旨責成立等回奏之疏通限文到十日具奏前來今踰期一月尙

有一二未齊或繇邊臣十分詳慎未肯草草寒責臣不敢  
不展期等待惟是前月二十七日蒙恩召問仰知聖懷切  
注邊防臣仍舉前疏中語意謂今日沿邊兵餉勢難再添  
惟有覈其實用之一著若使件件皆得實用自然堪戰堪  
守伏蒙聖諭臣衙門該差官稽查臣對先朝襄毅楊博每  
事輒遣司官沿邊查問今因司屬乏員無可差遣別差小  
官前去誠恐需索騙錢反爲邊害伏蒙聖諭司官亦難盡  
憑臣對如今在外有督撫鎮道等官在內有特遣總監分  
監若還不能仰體聖懷著實用心戰守有我皇上之國法  
在此臣一時惶恐戰慄之言退而思惟邊臣辛苦危疆口

父憂勞凶懼有難盡說臣愚祇對皇上宜該先陳有功請  
加不次陞賞鼓舞其心後陳有過請加不時顯罰振作其  
氣今言罰而不言賞殊失之偏仍宜補牘奏聞請祈天語  
申飭沿邊文武大小諸臣惟願日日有功來領皇上陞賞  
不願一時有過致干皇上顯罰此又臣所兢兢傳示諸臣  
毋或自貽伊戚者也

崇禎十年閏四月初一日奉聖旨朝廷軫念封疆口懸  
不次陞賞以待有功其或罪狀顯著不得已乃罰隨其  
後卿補牘說得是便著申飭沿邊諸臣恪實用心戰守  
各奏膚功祇膺懋賞不得悠忽欺蒙自取辜咎

謹因會推之始疏

爲照薊鎮三協原止設一總兵近因遼左有事關門添設

一員掛平遼將軍印而薊鎮關防明篆鎮守中西二路字樣乃奉勅行事猶有鎮守永平之稱臣任巡撫時曾具請正名實以便責成之奏吏部覆奉欽依將各鎮推官俱去永平字樣臣部則未之覆也今西協又增總兵鎮守石古曹牆四路矣制勅關防固當從新請給而中協總兵止鎮馬松喜太四路亦須一體更端此應明白奏聞非一移文翰林院便敢專決增換者也臣愚更有進焉國初先設總兵頗多開國元勳材能迥出儔伍一切調度戰守朝廷倚賴甚深以故事權特重威令獨行不須有人叅贊更不須有人節制也其後邊事日非將材遜古一總兵主其事緩

急專恃爲難於是。有巡撫之設。以贊理軍務。爲名。與總兵如左右手。相資並用。未見低昂。又其後邊事愈棘。才器愈卑。同舟則肘掣紛爭。接壤而畛分膜外。於是。又有總督之設。以節制。聯其指臂。化其異同。使平居威令素行。斯臨警調度。無忤祇欲。濟封疆之事。非故抑鎮守之尊。遠者。臣不具論。世宗皇帝。煌煌明旨。赫赫典謨。具在也。臣前叨總督宣大勅書。有各該鎮巡以下官員。悉聽節制之文。及查宣大總兵勅書。却無聽總督軍門節制字樣。較之。拒撫山永勅書。內爾聽總督節制。亦復不同。臣甚疑之。夫有節制之者。則必有聽節制者。勅書兩載。俱明斯乃。祇遵各得。否則。

一欲行其節制一以原無聽受爲辭或陽令陰違或悍然不顧於各總兵自擇其便得矣如封疆之事何哉今薊門三協各設總兵其所管四路猶之乎一協之事合之三總兵管十二路猶之乎一鎮之事一家之事一人之事若各分畛域無同舟共濟之心安自尊大無軍門節制之令則多一官反多一釁而薊門以內兼懷不戢不掉之憂臣職掌所在不敢不明白奏請乞我皇上念薊門內地總督設於世宗皇帝之時一切節制之權調度之令賞罰之典稽考世宗皇帝時舊章俾內外臣子奉以從事則封疆綏輯端必繇之矣

崇禎十年閏四月初四日奉聖旨薊鎮中西二協總兵制勅關防請給改正俱依議總督節制事宜勅書開載仗明不必又行申請

### 訛言易煽疏

自邊寇交訌聲唳屢驚兼以奸亂之人訛言煽動自近及遠益覺皇皇今春畿南偶有土寇搶掠村莊遂喧傳敵騎再至男婦奔入都城勢不可遏雖通行曉諭終不相信適因皮島潰失道路之口更復紛紜臣以爲調度軍機不應洩漏者自當加謹秘密若邊腹塘報仍不妨抄傳與衆共知使遠近無事於揣摩而奸徒莫容其鼓煽未必非安定人心之一策也至微臣受事以來凡關職掌以內不敢不

明白入告仰請聖裁其非臣職掌或自有司存未敢分毫  
侵越乃亦有等奸徒妄捏款件以爲出臣條陳長安之中  
以耳語耳幾於亂真尋究根株則又不知所自當此無事  
之日不妨度外置之萬一適當有事捏造無影之言煽惑  
人心淆亂機務所關詎屬細故此應預請皇上勅嚴衛五  
城緝捕衙門先期禁止敢有無端捏造飛語之人即便嚴  
拿正法立懲一二以警其餘宋臣張詠所謂止訛貴斷取  
衆中大言之人梟首示衆訛言立止是其効也

崇禎十年閏四月初六日奉聖旨報不關機密的准  
照常抄發有無端捏造飛語的著嚴衛城捕衙門嚴拿  
正法毋得徇縱爾部仍行申飭

仰稽祖制釐正官階疏

竊惟武功之不振至今日極矣臣在關門常感慨於中具  
有敬陳用將未議之奏奉旨該部看議具奏部司格而不  
行臣愚未敢再贅今辦事衙門考求掌故欲有興釐踰月  
以來始知梗槩前所謂武階大捷以四品爲常乃邇年冒  
濫成風實非祖宗典制也我祖宗創制立法不知幾經叅  
酌幾度裁成載在諸司職掌大明會典之中至萬曆三十  
八年尚書李化龍採輯爲書名曰邦政條例進呈御覽刊  
布通行何曾有捷徑之階以四品爲常之事是年臣嗣昌  
已成進士又數年竊祿寒凜亦未聞四方用兵有驟更祖

制之事也迨至四十八年臣待罪戶曹專理新餉始見各處調援有加銜守備都司浸假加游擊叅將又浸假加副總兵冒濫極矣在外加銜既多內部僅乎實授加者既不  
能革實授祇見爲因而不知祖宗典制從此一加一授之中踰越殆盡乃封疆將帥之任繇茲積濫因而積輕繇茲積輕因而積弛亦幾不復可振矣臣思祖宗二百年之制遼事起而壞之何等可惜遼事二十年之壞皇上取而振之夫亦何難但人情沿襲旣久不以冒濫爲可傷反以不濫爲有靳靳之於承平之日使其俯首而就繩削易靳之於多事之秋使其昂首而恢志意難則或者以爲釐革之

不若姑因之而臣又熟籌其不然也譬之射然懸的者約中的乃奇爭的乃力而習的不可勝數矣斯乃所以廣教射也臣請陳祖制於前而稽酌奉行之宜於後候聖明采擇行之然此所謂資格也尋常功次不越資格之中卽宜照此澄敘若乃邊烽大舉擒斬千級以上流賊擁衆長驅一鼓盡殲非常首功又當破格陞賞與夫臨陣先登歿於鋒鏑異等褒嘉亦應迥出前例臣茲備開款式通祈聖裁定奪可否遵行 計開 一祖制軍民舍餘家丁人等獲功一級陞小旗小旗陞總旗總旗陞試百戶所鎮撫 前件查係會典開載成化十四年定例今照軍之後繼以民

舍餘之後繼以家丁是一切行伍自身之人有功俱從小  
功陞起超陞二級者得總旗三級者得試百戶所鎮撫六  
品武職不爲薄矣嘉靖三十四年本部尚書楊博題宣府  
壯夫龐鐸捐貲率衆力抗強胡保全天照一堡卽授蔚州  
衛所冠帶總旗家丁董一奎斬獲渠首功委異常授以百  
戶職銜填註附近衛所顯係遵照前例超擢奇功如此若  
尋常斬首一級小旗二級總旗定難踰越柰何近年行伍  
白丁冒濫敘功一級守備二級都司三級游擊僭越無等  
一至於此今後似宜還照前例行伍軍舍家丁聽用材官  
外劄加衛守備等項原無名器者斬功一級小旗二級總

旗以次遞陞其實係領兵百總管兵一百名以上者比照  
總旗遞陞實係領兵把總管兵三五百名者比照試百戶  
所鎮撫遞陞俱以血斬功次爲準但係祖籍軍旗准陞實  
授行伍自身准陞署銜於附近衛所帶俸以示區別著爲  
新例伏候聖裁 一祖制試百戶所鎮撫獲功一級俱陞  
實授百戶實授百戶陞副千戶衛鎮撫副千戶衛鎮撫俱  
陞正千戶 前件查係會典成化十四年定例其景泰中  
又有署職半級不加俸之官如署實授百戶署副千戶之  
類失之太繁今照半級功次止當擬賞不必署陞其試百  
戶所鎮撫等獲有功級如係世職照例遞陞實授係行伍

署銜者照例遞陞署銜又行伍中有見管千總領兵一千名以上者比照實授百戶遞陞見管中軍領一營傳宣之事比照副千戶遞陞俱以血斬功次爲準係世職準陞實授行伍准陞署銜於附近衛所帶俸同前新例伏候聖裁

一祖制正千戶獲功一級陞指揮僉事指揮僉事陞指揮同知指揮同知陞指揮使 前件查係會典成化十四年定例邦政條例又載南北軍民旗舍人等獲功只許累陞至指揮僉事而止千百戶累陞至指揮使而止指揮僉事累陞至都指揮使而止餘功扣算加賞不得陞授今照陞授絲於獲功獲功絲於殺敵陞授有限殺敵豈可有限

乎此例似難膠柱仍應通准遞陞但係世職止許本身實授身後子孫承襲仍依祖職原官果能建有奇功恩加延世之賞自當另議其行伍出身往往有名將大將之材更難預爲限量又有領兵官員統兵千數百計自爲一營者如係署銜都守比照正千戶遞陞欽依守備比照指揮僉事遞陞實授都司比照指揮同知遞陞俱以血斬功次爲準亦分世職流官實授署銜帶俸新例伏候聖裁 一祖制指揮使獲功一級陞都指揮僉事都指揮僉事陞都指揮同知都指揮同知陞都指揮使 前件查係會典成化十四年定例邦政條例又開各處將官有缺若都指揮堪

任主將擬陞五府堂上官署職若指揮堪任偏將擬陞都司堂上官署職以便行事後有戰功該陞仍從祖職加陞其有遇例俱不在實授之例可見衙門體統行事與本身職級原自不同邇年濫劄守備都司游擊叅將副總兵皆誤以爲本身之官而不知其非也試觀諸司職掌所載武官資格自正一品至從六品何曾有副叅游守之名乎今照領兵官員果係馬步一營主將見官游擊將軍比照指揮使遞陞見官叅將比照都指揮僉事遞陞見官副總兵比照都指揮同知遞陞其衙門體統行事亦卽照此更正如欽依守備則以署指揮僉事管事都司非坐省者則以

署指揮同知管事遊擊則以署指揮使管事叅將則以署  
都指揮僉事管事副總兵則以署都指揮同知管事如已  
實授府衛者方許稱以某府衛管某營事未註府者不得  
妄稱其見行守備混稱都指揮體統游擊叅將副總兵槩  
稱署都指揮僉事者一體釐正各衛見官指揮使者照本  
等遞陞身後子孫仍襲祖職著爲新例伏候聖裁 一祖  
制都指揮使獲功一級陞都督僉事都督僉事陞都督同  
知都督同知陞右都督右都督陞左都督 前件查係會  
典成化十四年定例邦政條例又載都督等官必是都指  
揮積累軍功勲業顯著才望超卓者方許擬陞其餘尋常

都指揮使非奉特恩不得擬陞都督僉事若獲軍功止擬給賞蓋武途至此榮貴已極須畱有餘不盡以待積累軍功爲朝廷竭力報効非故靳之也邇年外劄冒濫雖未敢加都督之銜而自小旗至督僉祖制原是一十三級乃行伍白丁濫蠟無等一守備二都司三游擊四叅將五副總兵僅六級而遂之衛所世職亦復轉相倣倣部司不知返本清源止爭加銜署級以爲裁抑之方抑未矣臣今通查明白其以前濫授者業不可追在見今候題及以後續敘者必須遵守此乃武官資格祖宗相傳二百餘年未之改易者也今雖多事之秋以待尋常功次實不爲薄如有非

常奇捷另行破格陞敘備開於後伏候聖裁 一祖制副

鎮與大衆邊烽血戰臨陣擒斬真級一顆者超陞二級不願陞者賞銀一百兩所獲馬牛貨物盡給本人各邊不得援以爲例 前件查係會典隆慶元年定例又一款開萬

曆十二年題准以後斬獲邊烽巡按御史詳覈真正聞名

頭目方准照例陞賞如原非頭目官軍賂買通事妄

報者查究問罪首級止照常陞賞其例前襲過有不係首

功者子孫襲替日查革今照邊烽大舉進邊官軍奮勇血

戰如斬真正壯級一顆應做前例超陞二級不願陞者賞

銀一百兩查係有名頭目仍與子孫襲陞係世職者於祖

職上加襲二級係行伍者子孫繇總小旗遞陞二級俱以血斬功次爲準其非邊烽真正大舉進邊與真正血戰陣斬者不用此例伏候聖裁 一祖制內地反賊一人擒六名願陞一級至十八名願陞三級十九名以上並不及數者俱給賞 前件查係會典成化十四年定例又一款開正德七年題准一人爲首一人爲從就陣擒斬有名劇賊一名願爲首者陞實授一級世襲不願陞者賞銀三十兩爲從者給賞就陣擒斬以次劇賊一名願爲首者陞署一級世襲不願陞者賞銀十兩爲從者量賞就陣擒斬從賊三名願爲首者陞實授一級世襲不願陞者賞銀十五兩

爲從者賞給緝獲者不在此例就陣擒斬從賊一名顯爲首者賞銀五兩二名顯爲首者賞銀十兩爲從者量賞緝獲者不在此例今照賊有零星大夥不同擒斬功次優劣亦異如賊以數千百計或以萬計我兵剿殺不多仍復流移他處所得功次止照前款一人擒斬六名顯陞一級十八名顯陞三級有餘不足俱扣算每名顯給賞銀五兩就有真正賊首在內每名顯止陞實授一級不擬世襲其或數千滿萬之數一鼓蕩平不復流移他處爲患方照後款優議擒斬真正全營第一大頭目者陞實授二級世襲第二第三頭目各陞實授一級世襲其餘小頭目每三名顯

陞實授一級世襲從賊不係頭目每六名顆陞一級同前  
不擬世襲不願陞者每名顆給賞銀五兩俱以血斬功次  
爲准緝獲者不在此例老幼婦女止許俘獲交付州縣取  
收管姓名執結每五十名口准陞實授一級至一百五十  
名口陞三級不係一鼓蕩平全夥解散及交州縣無姓名  
者俱不用此俘獲之例伏候聖裁 一祖制把總領官軍  
五百人部下擒斬邊烽五名顆陞一級每五名顆加一級  
領軍一千人者十名顆陞一級每十名顆加一級 前件  
查係會典成化十四年定例又一款開嘉靖十五年題准  
千總領官軍五百人部下斬獲邊烽十名顆陞一級每十

名顆加二級領軍一千人者二十名顆陞一級每二十名顆加一級別種寇賊推類而行已陞之外功次更多並不及數者止給賞不陞今照部斬功次亦宜分■賊之多寡爲陞賞之等差如尋常邊烽零竊外除血斬每一名顆擬陞一級外其部功當照嘉靖年例領軍五百人者以十名顆遞加二級領軍一千人者以二十名顆遞加一級仍照本等資格加陞如係邊烽大舉進口真正奮勇血戰除血功照前超陞二級外其部功當照成化年例領軍五百人者以五名顆遞加一級領軍一千人者以十名顆遞加一級仍許暫循近例守備一級都司二級加游擊三級加叅

將四級加副總兵其餘以此類推用昭破格陞賞有能擒斬邊烽號王子者仍加世襲都指揮使賞銀三千兩擒斬領兵大頭目者世襲指揮僉事賞銀一千兩擒斬小頭目者世襲千戶賞銀五百兩擒斬哨總紅旗之類世襲百戶賞銀三百兩一遵崇禎九年七月內欽頒榜諭施行其內地反賊血功除前款開列外部下尋常有功領軍五百人者以五十名顆遞加一級領軍一千人者以一百名顆遞加一級仍照本等資格加陞如果大夥之賊一鼓蕩平從優論功陞賞照前領軍五百一千人數及擒斬名顆之數許循近例遞陞守備都司游擊叅將副總兵等官內查果

第一第二等頭自在內者除本身陞級外仍各加世襲一級其餘不係頭目亦照名類之數陞本身守備都司等官加賞銀三十兩款內開載不盡者臨時奏請定奪伏候聖裁 一祖制官軍陣前當先殿後斬將舉旗擒斬賊首等項立有奇功後又陣亡者子孫襲陞三級仍立祠加祭廕子若止是衝鋒陣亡生前不曾立有奇功襲陞二級如不係衝鋒止照陣亡例襲陞一級 前件查係會典成化十四年定例又諸司職掌一款開凡武官沒於王事照依生前職事加贈二等死於鋒鏑者照依生前職事襲三等今照贈廕二例見在遵行但不明品級將指揮千百戶通贈

游擊將軍以爲三等殊屬錯謬應按諸司職掌欽定資格  
從其優者褒之如所鎮撫贈副千戶武毅將軍爲二等正  
千戶武節將軍爲三等百戶贈正千戶武節將軍爲二等  
指揮僉事信武將軍爲三等副千戶贈指揮僉事信武將  
軍爲二等指揮同知廣威將軍爲三等以上遞推至於都  
督同知左右都督特進光祿榮祿大夫皆然若游擊叅將  
原無等級名似美而非制矣至於襲陞三級者至指揮同  
知襲陞二級者至指揮使皆格於世職流官之例礙難遵  
行查會典以指揮千戶衛所鎮撫凡九等爲世官都督  
同知僉事都指揮使同知僉事各三等正副守二等爲

流官萬曆四年題准指揮使陣亡者除給卹典襲祖職外仍取次男或次孫一人與做冠帶總旗查係生前有功處難獨慘者與做世百戶俱世襲所以通世職之窮國恩優渥無所不至也今此例猶行而其餘陣亡各官襲陞槩擬小旗爲始似無分別合應裁定生前歷官原有祖職者襲陞職級於祖職上遞加至指揮使照前另廕次男次孫已有成例其起行伍原無祖職者自正四品指揮僉事以下一級俱從小旗廕起自從三品指揮同知以上一級俱從總旗廕起使行伍出身者生前既裁冒濫歸於祖制資格之中身後得蒙殊恩比於世官裏卹之例於以昭示允邊

楊文弱先生集卷之十一  
激勸忠義裨補非渺小矣伏候聖裁

崇禎十年閏四月初十日奉聖旨據奏福宗朝武功遷陞諸款典制昭然卿復確覈酌議尋常功次照例澄敘非常旣獲異等褒嘉並陣亡優卹事宜深於振武有裨俱依議行仍永著爲令

楊文弱先生集卷之十一終

曾孫

縉授梓

楊文弱先生集卷之十二

明 武陵楊嗣昌文弱著

山梓

孤兒山松同輯

孫農峻

同較

山楸

農彥

疏

覆黔按楚撫兵科黔楚苗賊蠢動疏

崇禎十年閏四月初十日該貴州巡按御史馮晉卿題爲  
西目復叛等事奉聖旨水西善後屢旨嚴申如何復三逆

逞據奏糾衆聚拒勢甚狂憚著該督便宜徵調速集六兵  
會同蜀撫協圖剿除相機緩靖毋得玩延貽患其逆目復  
叛緣繇並大方擊殺情形還著該按查明速奏該部知道  
欽此同日又該湖廣巡撫余應桂題爲賊情事奉聖旨據  
奏湖南土獍等賊劫掠地方戕殺尉捕弁旗披狂姝甚著  
該撫嚴督永衡二道統率將備厲兵設奇作速擒剿毋令  
竄逸復肆徒報零級輒以遁去越境爲詞並著粵黔督撫  
諸臣協力堵熾務絕狂逞零陵等處失事情形該按確查  
奏奪傷亾官兵仍卽查明議卹該部知道欽此又該兵科  
都給事中凌義渠題爲黔楚警報並至等事奉聖旨奏內

事情俱有旨了據稱湖南各郡縣吏治日偷備禦全廢該撫按何無查飭還著嚴行督覈不堪的卽指叅重治不得徇縱貽患該部知道除卽日飛檄通行馳飭外微臣看詳奏內仍有未盡機宜合陳一得之愚請旨先行處置謹各開立款件仰候聖裁其間職關吏戶二部非臣越俎妄干事在然眉須求應手急著有不得不然者也謹題請旨

計開 一水西獻土各目中問明白道義誠心忠順固多一二鴛鴦性情未能全改亦自不少在我見形察影處置得宜斯能久安長治今查御史馮晉卿奏內各目攻圍箭傷數命似猶影嚮之詞副將方國安何以兵不血刃只云

開門接戰當將安良輔等大小二十餘員並苗兵千人斬  
訖此其中始有出其不意誘而殺之之狀恐老鳥等把塞  
谷里阻隔大方不無借之詞矣事已至此還當明白實說  
以便朝廷處分不可稍有含糊反悞機事蓋在各目先已  
效順此時雖有反側心力自是不齊今日第一急著切須  
分別順逆明諭朝廷德意順者一切勿動逆者自取誅戮  
如能以順攻逆滅匹之後寸土尺地朝廷不利其有就便  
給與助順之人永爲世業仍加破格陞賞備助逆者老鳥  
滅匹之後移兵伐之設使老鳥便能悔過如其子安祚昌  
仍前效順朝廷不難赦過嘉與維新見在都門有加銜副

總劉光祚查係效順人員前任御史胡平運稱其最有才  
識真心可任堪以遣齋文檄馳往宣諭朝廷威惠倘諭之  
不改徵兵剿殺乃彼自取其誰怨尤伏候聖裁 一各目  
阻兵谷里大方道路難通查御史奏內總兵范邦雄該道  
鄭朝棟等會兵陸廣仍屬水外地方未見從入之路其調  
四川羅京周雲南何天衢之兵相距道里遠近果否尅期  
進發俱未可知大率遵義地方直抵大方之背川兵疾入  
可以成功但該巡撫王維章總兵侯良柱向在川北保寧  
相臨川南甚遠今當飛檄侯良柱先赴川南或分遣能將  
數道長驅或親督標兵相機策應一聽總督朱燮元調度

有功從優論敘有罪從重處分毋得玩愒取罪其巡撫王維章再相鼎北漢中賊情緩急方行移駐但川屬土司嚴爲禁遏不許伺逆助兵是乃該撫耑責雲南巡撫王世德鎮守沐天波修我戈矛同警赴義亦當早爲申飭伏候聖裁 一貴州用兵其勢不能無餉湖廣之湖北湖南四川之川東從來協濟舊額徵解萬不容遲應行兩省道府速催接濟倘額外別有所需則湖廣原派黔餉不容不就近畱用乞勅戶部預行剖分若待該省籲呼便已緩不及事其湖北地方緊接銅仁鎮遠先年有事特設偏沅巡撫彈壓應援今巡撫遠難議設所有守巡兵備三道緊關緩急

攸資新推未任之間見在幾於全缺乞勅吏部酌議特准就近擢留如推陞巡道黃公輔清真定品頻年造福地方應以新銜久任辰州知府王觀化敏練通才就近擢補兵道尤爲熟路輕車此在黔苗蠢動湖北勢切震鄰兼之調兵運糧湖北首先接濟新推生手不若仍舊熟嫻之便也設或事體重大偏撫終不可無姑俟相機另議伏候聖裁

一湖南賊情出沒零陵東安地方殺傷典史周志躍捕役饒奎者乃衡州府屬臨武藍山二縣慣賊從來肆虐湖湘及江廣所在越城登屋焚劫無虛該府設有捕盜通判一員專一駐劄賊巢左近稽查保甲禁伏游閒緝捕有名

窩窟以爲常職近日果否得人所不敢知但其徒黨甚多  
養成歲久青衿率皆羽翼衙役無不通同白晝漸見雉行  
官兵不能擒剿此未可以尋常盜賊視之者在該撫按責  
成道府端本澄源講求化導之術良有司發奸摘伏別有  
鈎致之方斯或消弭萬一科臣凌義渠奏內吏治日偷積  
習難破焚尅冗闕所在多然湖南尤甚俗傳官其土者有  
慕羶之稱此之不可不痛革也伏候聖裁 一湖廣附近  
兩廣江西山猺巢穴所在時出郴州宜章又自一種地處  
湖廣西南極裔毋論撫按素不經行兼恐道府亦所罕至  
雖有哨防營堡官軍大抵虛無一旦警報蒼黃遂至頻年

久事此在廣西南贛巡撫固當協力擒渠然若遽動大兵  
未免又生一患宜行四省撫按各責該管司道親自巡查  
要見山獠出沒果在何方有無保隘官軍是否足資防禦  
大抵山獠若無勾引必難遠出橫行先窮內地奸徒務絕  
根株耳日次嚴官軍哨守無容隱占逃匹賊既無隙可乘  
我亦有備無患倘果先日承平制度疎闊兵力單少難備  
驅除則如湖廣絕溢屯租稍稍畱用本地募兵補伍先事  
銷萌又今日之急務也此事須勅撫按專責各道早夜圖  
之務底成績特行奏報以憑考驗虛實該道如果勝任從  
優陞敘不勝任者據實糾叅毋容姑息延擱伏候聖裁

崇禎十年閏四月初十日奉聖旨遣黔楚前賊處置機  
宜水西分別順逆宜諭恩威酌調兵將籌運餉需與湖  
南擺任道臣責成緝捕清奸先醇屯租等項深於安攘  
有裨著各該督撫按鎮輝力圖維相機調度務期操縱  
得宜剿防恭賴早成成績以膺懋賞有不勝任的參來  
重處吏戶兩部一並速議飭行

恭承召問疏

竊臣嗣昌頃蒙召問省直存留錢糧堪借一年充剿賊兵  
餉之用臣愚祇對再三未能仰契聖意隨蒙發下真定等  
府州縣赤曆等書勅臣同戶部尙書程國祥等細心查閱  
臣退思惟臣於萬曆四十八年七月內官戶曹該本部具  
題專理新餉臣隨考求內外見額錢糧堪以括借充用具  
條議二十餘款呈堂請旨斟酌損益行之其間一議存留

稅糧一議里甲公費一議均徭銀力一議水馬驛遞一議  
民兵工食一議督撫軍餉蓋皆存留之屬也臣昨祇對宗  
祿一項卽在稅糧之中防江防海防倭防礦等項卽在軍  
餉之中抽扣搜括捐助等項則稅糧里甲均徭民兵中俱  
有之蓋自有遼事來整整二十年戶部節題款項抽而又  
抽括而又括捐而又捐業已不勝重疊而驛遞一項臣部  
又行節裁臣恐今日存留再難議借或者卽有些須亦無  
濟於大事爲此故也但臣自離戶曹經今一十六載某項  
見行搜扣某項業已罷停不能盡知欲將發下赤曆條鞭  
細加磨對臣衙門軍務浩繁瞬息難誤實是不能綜考且

皆直曆編名色互異頭緒紛然又非畧舉一處便可該其餘者臣謹將臣原議備錄於後進呈御覽恭祈聖明敕下戶部覆查某項應否可行某項見行免贅據實開列仰請聖裁則存畧畧無遁情而臣愚於本等軍務亦免妨誤矣

崇禎十年閏四月初十日奉聖旨知道了還著遵諭會同戶部將發下赤曆等冊逐款細查條列具奏○附原議○一議兩京庫藏萬曆九年會計錄戶部歲入錢糧一千四百六十一萬有奇除俸祿月糧料草商價邊餉等項外入內府者本折六百餘萬折色則金花並糧三宮子粒入內承運庫者是也本色則粟帛茶蠟類料之屬入承運供用甲字丙字丁字庫者是也乙字則隸兵部戊字廣積廣盈則隸工部是謂十庫南京則止九庫遼東起言借金花者十之四折十庫者十之六皆莫能得之惟南庫議折而未見其濟幾何恭讀先帝恩詔中有遣巡視官查十庫錢糧之款今上恩詔首稱皇考德意重虛應故事之罪乃本部一請遣官竟從中格此

日婚禮將及紛紛催取未完矣竊緣澄餉無所惟有損  
上益下所當力行蓋在官者莫多於內庫則議減者莫  
先於內庫然而不查盤不可減彼將指缺乏爲召買之  
端不劑量不可減彼將寬浮緩於緊要之數隆慶元年  
一查而多所存省黃白蠟折價至今解太倉萬曆十年  
再查而生端買辦金花額外加進二十萬是清查之後  
有賄利亦有賄累中旨頒降獨力難爭戶部所繇置耳  
自是礦稅之使出而左藏充初不可較迨至礦稅之興  
關而中涓耗蠹不可言不乘此時洗剔將何以爲長治  
久安之計而况遼事近在肘腋隱憂中於腹心可不急  
急圖之哉今議決舉查盤定行收折非合詞懇請轉移  
密勿開導聖心斷然主持不可然皆錢糧千係本部非  
侵越各處職掌請一一開列於後 一內承運庫金花  
銀國初俱解南京供武臣俸祿各邊緩急間亦取足其  
中正統始解內庫歲以百萬爲額成化每年宮中止用  
一半嘉靖二十三年與同三宮子粒收解太倉濟邊未  
年內用法繁亦至百萬而止今會典額載一百一萬二  
千七百二十九兩有奇萬曆中加進二十萬十餘歲自  
武官折俸十四萬兩外皆爲御用莫可稽查考之周官  
惟王不會蓋非理財者所符言此賤貨貴德之風卽納

誨輔德之事所望轉移化導特恩裁省若干與戶部助  
餉如正統前及嘉靖初故事臣子大幸也 一承運庫  
夏稅絲綿本色絹歲額一十四萬八千一百二十九疋  
有零各處歲派有正價有織費有扛脚鋪墊每疋費銀  
一兩之外節年各庫止於鋪墊取盈盡將濫惡收受以  
致官解揣知侵用價值市買疎惡營求塘塞所在官司  
給價吏書強半瓜分不與足數朦朧用發印文到京巧  
者計脫拙者拖累至庫貯多不堪用一有取索動稱  
缺乏中旨召買貽害無窮今宜兜底查盤果足幾年明  
白奏請立案不許生端召買而後折徵自今天啓元年  
為始每疋計銀一兩一年可得一十四萬八千一百二  
十餘兩其四十八年以前未完本色除蠲免外應遵詔  
旨盡解折色但有貯價在庫及未完者嚴催起解不許  
遲延其段正隸工部聽工部行 一供用庫白熟粳米  
歲額八萬二千四百五十二石零係派浙直蘇松等府  
黃菜豆三千七百九十七石零芝麻八千二百二十二  
石零穀草五萬七千九百七十束係派山東河南北直  
順保等府鹽二十四萬一千六百六十六斤零係派長  
蘆運司燈草二千斤派蘇州府蒲杖三千五百斤派順  
天府以上可折者少應俟酌議惟黃蠟一十一萬斤白

噸三萬五千八百一十六斤芽茶四萬七千九百五十  
九斤零葉茶四萬九千三百斤係派浙江等省南直蘇州  
等十一府物非土宜往往給價差官市買他處此官未  
出司府之門而營幹剖分十已去其二三領銀到手或  
了私債或置家產或開典舖或在沿途或在近京營運  
數年而後到部買物不堪上納則稱變產告歸借貸告  
假無影脫逃勾攝如雨起脚衙門原籍官司無處不行  
咨照會而竟無應者聞獲一人不過監追至幾萬不償  
一此項尤要查盤果足幾年明白奏請立案不許生端  
召買而後折徵充餉每黃蠟一斤計銀一錢六分一年  
可得一萬七千六百兩白蠟一斤計銀三錢四分一年  
可得一萬二千一百一十七兩零芽茶一斤計銀八分  
一年可得三千八百三十六兩零葉茶一斤計銀二分  
一年可得八百一兩零一甲字庫顏料歲額四十一  
萬二千二百二十二斤零內銀硃每斤五錢二分烏梅  
每斤二分硫花青每斤七分黃丹每斤四分三釐綠礬  
每斤一分二釐紫草每斤三分一釐明礬每斤一分五  
釐光粉每斤四分五釐黑鉛每斤三分三釐水膠每斤  
二分五釐槐花每斤一分五釐藍靛每斤一分三釐五  
倍子每斤三分五釐共計一年可折銀二萬七千五百

三十四兩零然必逐件查盤足支幾年明白奏請立案  
不許生端召買而後折錢可也此外又有闕白三梭布  
三萬三千疋每疋七錢該折二萬三千一百兩闕白棉  
布三十六萬四百一十一疋每疋二錢八分該折一十  
萬九百四十三兩八分苧布四萬七千七百七十四疋  
每疋二錢該折九千五百五十四兩八錢紅花三萬斤  
每斤一錢五分該折四千五百兩水銀二百二十九斤  
每斤四錢該折九十二兩六錢但恐布疋係軍士冬衣  
及各項賞賜之用未可輕議俟查盤明確累年果有積  
餘若干不致一時乏絕致使禁旅號寒劑量改折可也  
一兩字庫歲額絲綿三十一萬四千六十四兩絲二  
百二十四斤零綿花絨三十七萬四千八百七十五斤  
六十二兩以上絲綿一項係派浙省內有合羅絲串五  
絲荒絲上白綿中白綿五等該省仍坐派湖州每兩絲  
價夫船不等共徵銀一萬二千六百五十九錢零給  
解戶收買本色上納如果查盤庫貯有餘卽照此數折  
徵可也其絲一項係派保定府價值未詳綿花絨一項  
係派山東河南北直歲給京軍冬衣之用恐未可折會  
計錄載先年估價每斤七分近歲頗有增減如以七分  
總折亦有二萬六千二百四十餘兩應俟查盤明確劑

量折徵者也。丁字庫顏料歲額三十萬二千六百八十七斤零內黃蠟價與供用庫同其生漆每斤一錢一分八釐紅分桐油每斤四分二釐黃熟銅每斤一錢一分八釐熟銅每斤一錢五釐錫每斤九分半牛筋每斤八分黃牛皮每張二錢二分生銅每斤五分通計可折銀二萬七千八百六兩零然必查盤明白果足支用若干奏請立案不許生端召買而後可折徵也其麻鐵等料隸工部者聽工部行一廣惠庫收河西務等七鈔關輪解本色鈔折色銅錢燕山右府軍前等四衛樹株屯鈔天財庫收正陽等九門錢鈔贓罰庫收各處籍沒金銀錢鈔衣服等項內官監額入梗米稻草青白鹽尚膳監額入川椒粟穀菊林酒醋麪局額入黑豆穀草借薪司額入糯米紅棗寶鈔司額入稻草香油等項俱似無可折徵但以其與戶部相關應盡錄出以聽酌議者也。一乙字庫收毛襖孤帽袴鞋等物屬兵部戊字庫收弓箭弦條盔甲等物廣積庫收焰硝硫磺等物廣盈庫收抄沒違禁等物俱屬工部應否查盤改折宜聽兩部施行說者謂如皮張一項除虎豹等皮折造胖襖袴鞋外其狐皮鹿皮無甚緊要假如浙江省狐皮每張折銀一兩二錢湖廣省鹿皮正損解銀九千七百八十餘兩首直

通行亦可數萬軍器軍裝一項各處軍衛有司歲造物  
料若惡不堪錢糧冒破人人言其當折若工部折之以  
于遼東代其應出之器械是安見其不可也一南  
京甲內承運等庫絲絹布花等項歲用止有此數而庫  
貯陳陳相因有可足二三年或五六年支放者甚至花  
絨則足二十年荒絲則足五十年此南部四十七年具  
題本部覆准改折者也乃至今未見折解繇於咨會南  
部聽其酌定遂至遷延然既覆准改折則事在斷然必  
行今當坐折年數如絹疋一項會典載承運庫額派浙  
江福建湖廣蘇州徽州廣德等處一萬八千五百九疋  
零京庫額派應天松江寧國太平等處一千六百八十  
三疋零卽照會典嘉靖三十七年例每疋折銀七錢每  
年計銀一萬四千一百四十兩行該地方各折三年通  
計解銀四萬二千四百二十兩可也綿布一項會典載  
京庫額派江西十萬疋甲字庫額派湖廣十萬疋卽照  
湖廣例每疋折銀三錢除水脚在外每年計銀六萬兩  
行該地方各折二年通計解銀一十二萬兩可也苧布  
一項會典載京庫額派江西七萬一千三百四十一疋  
零甲字庫額派徽州府三萬疋卽照會典例每疋折銀  
二錢每年計銀二萬二百六十八兩行該地方各折二

年通計解銀四萬五百三十六兩零可也絲綿一項會典載丙字庫額派浙江岸五絲二萬兩花絲二萬兩中白綿三千兩及查浙江起運南京合羅絲五萬二千五百四兩每兩價銀五分花絲二萬兩每兩折銀二分四釐折色中白綿三千兩展綿一百八十七斤零每斤折銀五錢每年計銀三千一百九十八兩零與會典所載不同前題足支二十年卽照浙江例行該省收折五年通計解銀一萬五千九百九十四兩零可也花絨一項會典載丙字庫額派湖廣五萬斤淮米五千石卽照湖廣例每石折銀七錢除京摺在外每年計銀三千五百餘兩前題足支五十年行該省改折十年通計解銀三萬五百兩可也以上各項總計初年全折共銀一十萬一千一百六兩零次年全折亦如之二年則去絹苧布矣四年又去絹疋矣五年以外又去絲綿矣至十年而盡去共計得銀二十四萬九千四百五十兩有奇不過取南庫之應歸朽腐者爾數年以後或遼事當平不必取足此數而在初年次年似不可不足此數者也一南京供用庫光祿寺等衙門粳米芝麻黃菜豆多者可足十數年少亦可足四五年與其委積蠹朽以恣出納者豁徑之欲孰若權宜通變以應轉輸者政涉之苦此

亦南部四十七年具題本部覆准改折載入新餉款目  
者也及查四十六年南部題爲南糧額數無多北部徵  
求難繼等事內稱南京四門倉米一萬六千餘石原係  
守直官軍口糧及國子監會同館神樂觀犧牲所並神  
宮監局等衙門各貯米豆麻穀俱供應奉先殿孝陵及  
內監酒醋織造工匠各項支用僅穀一年無有贏餘云  
云二說不同今就會典所載及前後疏折衷之如粳米  
一項光祿寺一萬八千九百一十四石四門倉一萬六  
千餘石國子監二千一百石神樂觀一千一百二十九  
石犧牲所一千三百二十五石酒醋麪局七百八十石  
止折一年事理無礙卽照國子監例每石折銀七錢一  
年計銀二萬八千一百三十餘兩其神宮監止二百五  
十餘石內官監止四十石會同館止四百九十餘石免  
議可也芝麻一項總各衙門每石一兩折之不過一千  
五百餘兩黃菜黑豆一項除各衙倉外總各衙門每石  
四錢折之不過八百餘兩此應免議毋與南部瑣瑣爭  
之及查四十八年四月內據南京光祿寺呈稱奉寺題  
助遼餉銀二萬兩已經奉旨該部知道欵此卽將原貯  
米折銀二萬兩委官起解則是該寺先題非本部議折  
之數且原貯米折亦非見年徵解之銀合將前銀止算

該寺助餉前件仍依本部題作事例與各衙門通折一  
年可也。○一議諸司職掌。會計條載萬曆初年太倉  
有九年之積自國初以來所未有其時蓋考成之規定  
降罰之例清積逋闕邊餉減係役濟河漕汰冗員禁馳  
驛蓋各衙門政令修舉而然非戶部一手一足之計也  
今上上冲齡御極胡政正當修舉之時邊疆况經殘破  
之後兵愈增愈弱餉愈斂愈窮非賴各衙門同心釐剔  
以佐緩急之用戶部其曷能支至不能支而外顧則兵  
久變生內顧則民竄盜起是亦各有位之憂也今將各  
衙門凡有關係戶部錢糧及堪裁省事宜列其大畧於  
後。一吏部關係錢糧文選司職掌爲重其有以弊端  
蠹吏部者莫如開事例一節迨事例開而吏戶二部俱  
受其蠹則假官爲之觀前後發覺擒拿印至累纍可爲  
痛恨之極矣然而付獄者多解脫以去入選者復接踵  
而來本部今有裁冗員一議欲舉事例蠹選法者盡停  
止之然可以剪蔓於後來不能芟蕪於見在也計今中  
外援例加納及見在聽選若輩何止數萬一旦欲綜覈  
驅遣之盡數必不勝惟是此輩神通縱能飛海跳澗而  
不能不從大選急選中出雙月一次大選急選是卽若  
輩驅命咽喉未選則截點此截點者無千萬人也既選

則畫憑此畫憑者無千萬人也。人數少則鈞考易行，鈞考嚴則逃匿無所。一平綜嚴止於六次，一次發覺，但將數人盡法，正懲如僞者，不售則真者可前，或納銀者多而有實用者矣。一本部在內倉場馬房係關重大，幾糧就中堪議裁省。如見在倉糧僅支三歲，海運截漕廩廩寡不足矣。然各倉附餘掃積多至萬千節，因官軍趨避坐撥不盡，此項漸歸紅腐。今欲搭放，恐生怨望，不放則盡化灰塵，合俟題明令京廳監督會查盡報。若于與積除料豆鵝食之類，照依市價出糶，旬日間可得數萬金。此化無用為有用者也。鋪廠板木每歲京廳照錄，與各倉邇來監督節存數多一倉，行積數千片者，若預備用則係新舊相兼用之，不盡徒為風雨蝕爛。甚或預板歇家私藏盜賣者，有之京師不產松杉，其價頗貴。與今盡行查括，公同變價，亦有萬餘金之濟。至欺掃色斗輕，脛不堪久貯，倉役迨多不領，亦宜盡數照出賣。與市井小民所謂燈亮以往，莫不有益也。其五項官銀印款家房水上版脚價抗車抗袋脚子曬陽飯米甲斗籌樂鋪軍抱籌之類，內多可裁。與脚子放攤時所索脚米每歲六倉約共二萬餘石，寧是細事。此則本部自割京通等倉酌議行之，而特拈出相告者，若御馬三倉申官耗

蠹視十庫爲過之萬曆九年料止四萬七千石草止一  
百七十四萬束時估銀止一十一萬餘兩至十三年增  
內操馬三千匹料二萬五千石草六千餘束時估銀共  
一十八萬餘兩二十一年給事王建中議照先年給事  
田秋太監竈瑾事例清查馬匹減派料草得旨施行卽  
今料草一如十三年數而馬匹則烏有然其出入雖巡  
視亦不得問翻然釐剔必廟堂有此心行此權本部惟  
力是視矣其明智象房除象隻外餘給三大營馬匹草  
亦不逃馬煩領出隨易較喫紫無召買而已大壩黃  
土等倉馬牛倘有影響惟是額驢八百六十餘頭歲費  
金錢一萬四千有奇盡飽奸棍竊罄如前壩上監督鹿  
善繼查一斑頭管支料銀三百二十餘兩後黃土監督  
潘宗顏查出小驢九十餘頭盡扣料草勿謂小蠹而置  
勿謂可也夫京糧折價出於河南山東者多先是兩省  
各設京糧道於京師以司出納萬曆七年議裁冗員查  
山東道有見貯銀一十一萬五千餘兩解送太倉六萬  
河南道有見貯銀二十二萬兩解送太倉十四萬昔胡  
有餘今胡不逮蓋推之中外一應錢穀今昔懸絕莫不  
皆然此本部之責而心乎世運者想亦共憂也一本  
部在外倉關諸差俱關係錢糧而邊郎爲尤重嘉靖二

十年兵部會題內稱各邊管糧郎中祖宗設立蓋有深  
 意謂其與巡撫領專勅行事於戶部堂屬情意流通  
 事體尤為不同自權歸巡撫該道府勢懸殊體面空存  
 事權盡掣無論巡撫難以領領口道將而下至管糧府  
 佐等官問其心鹽粟其兵馬奈其虛言者誰乎甚則以  
 地方加餉為能為戶部節餉為諱白萬曆二十年陝西  
 四鎮郎中鄭瑩等一歲節省餉銀元十七萬餘兩之後  
 至今積漸頽溺幾三十年而痛革頽溺力為振舉則今  
 邊郎責也其淮徐臨德四倉錢糧多寡不同近各搜括  
 助餉雖難槩律然其真實裁括盡公而不顧私若出天  
 性至誠非不得已而應者則徐州管倉劉弘宇二年之  
 間解銀二萬五千兩設處天津買豆又在其外本部所  
 欲有旌以勵其餘者也至南北部秋關連年俱有助餉  
 然自許暨關李時啓五千餘兩北新關荆之琦三千餘  
 兩外餘處俱不甚多緣求之額外難以賣實今皇仁浩  
 蕩監稅盡撤害商既去商貨已通或將鈔關原額加增  
 庶在部可以取盈在商亦不稱厲除河西務事關漕利  
 難以一切之法行之或應免議外如臨清原額欠虧今  
 應責其足額許暨北新九江淮揚五處各加一府或三  
 分之二亦似無妨者也至首府州縣原有稅課司局所

徵商稅與監稅大同小異一向多餘存留額亦無幾而  
今監稅革矣此內似可量增定限起運卽如會典洪武  
二年令天下府州縣鎮店去處不許有官牙私牙設有  
稱絲官牙私牙許鄰里坊廂罕獲赴京以憑遷徙化外  
兩都不得罪同若係官牙其該吏全家遷徙立法可謂  
至嚴景泰二年收稅則例每條始有牙錢而今官私牙  
徧天下府州縣或一官一稅或一年一稅甚則苛罰罪  
名取用貨物明當行戶之買辦暗代里甲之包賠而一  
錢不報上司萬苦誰聞當路若逼查牙稅每年定額解  
部州縣上者以八九百兩爲額中者以五六百兩爲額  
下者以三四百兩爲額通計天下一千三百五十餘州  
縣上中下率算每處五百兩共該六十七萬五千兩卽  
與監稅大同而無復監稅之名原係戶部項款而但責  
起運之實且其法簡事該止問牙行一身而各商之貨  
備卽房產稅契亦原在此條之中比之處處巡攔稽查  
抽驗者較爲安靜惟在巡撫道府嚴禁滋擾此似可以  
久行應請延議者也 一禮部關餉錢糧儀制司職掌  
爲重嘉靖四十一年御史林潤奏天下財賦歲供京師  
米四百萬石而各處宗祿至八百五十三萬石萬曆七  
年禮部奏歲祿幾千萬是十年間增百餘萬而今四千

年來又可推矣夫親親為仁親親之殺為醜祖宗親蓋  
 則墮子孫千億坐食蔭官已難乎繼花生煥育其謂之  
 何嘉靖條例多主裁抑萬曆中更訂數四法加寬事加  
 畧而流於濫矣迺流駭源惟有選婚報生二事最為要  
 緊選婚則子女章本報生則名封章本二事須令同城  
 有司與聞申達撫按以時奏報仍與王府並行不特庶  
 耳目為真冒濫承奉今選婚一節條例要例俱有巡按  
 奏請及行布政司覈勘之文但巡按布政未必與王同  
 城其覈勘仍行長史則已有呈結若行有司不令先期  
 覈實一申巡按照詳一申藩司照驗立案備查較捷也  
 以至繼助妾媵每選皆然日後子女有不明者乎報生  
 一節條例令照武職事例取具五宗長史教授兩鄰收  
 生人等甘結若扶同捏報將本位叅革爵祿五宗罰治  
 降革長史等官照例罷黜兩鄰收生人等行巡按御史  
 查提問罪要例則令親郡王審實取結類奏據職安報  
 者年終量叅長史教授等官罰輕易犯弊莫可憫以故  
 萬曆十八年禮部又題長子長孫將單中尉以下子女  
 令巡撫衙門勘實類奏二十一年又於奏請期限款下  
 插入報生文結不必經縣巡撫衙門一句而法意反覺  
 疎畧其意不過曰省節日免稽遲耳然各處稽遲正緣

王府官吏爲姦任意延緩有司不得問撫按不及知貧宗無處控訴終老阨窮富者濟其貪心營求冒濫設使事憑撫按責在有司何至稽緩如此尤可異者五宗長史保勘行於郡王將軍以下可也親王專制一藩五宗以下日求親媚而恨不得當今亦取其保勘憑報親王幼生子女設有濫冒敢爲駁正不出保結者誰乎郡王言得將軍將軍軍官得中尉然且不可親王冒報一子應得郡王以及將軍中尉數將不可紀極甚則素嫡庶乖以長動播世子者有之此何等重事而漫無防檢付之五宗長史之手而已乎及今不分親郡王將軍中尉等新生子女俱責有司覈實徑申巡撫衙門以憑具題仍申藩司備照有非同捏報等弊並懲有司日後名封自然不煩詞說矣此法專革冒濫無損天親有裨歲祿亦本部相關職掌而行之則在禮部禮部力行則冒濫亦而祿米可省戶部並受其裨益也請質廷議 一兵部四司俱有關係錢糧武選則俸給職方則糧料職掌爲尤重如京營衛所官軍倉積申斗等項歲用本色出漕糧者二百三十六萬有奇折色出內庫者十九萬四千有奇出太倉者四十萬四千有奇冬衣布折銀又八萬六千有奇而本色花不與焉此萬曆九年會計之數較

今餉不甚遠至邊鎮年例則大異矣弘治以前沿邊止設遼東宣府大同延綏寧夏甘肅六鎮官軍四十餘萬京運銀兩四十三萬軍數銀數畧相當其後固原薊州山西密雲昌平易州永平相繼列鎮萬曆九年計官軍六十八萬有奇京運銀兩三百一十餘萬是軍增二十八萬銀增二百七十餘萬矣近據頒賞見兵八十六萬有奇本部年例三百八十四萬有奇是軍又增十八萬銀又增七十餘萬矣嗟乎使其果有此軍真用此餉以養之則遼左需十八萬之數只調萬曆九年以後額外增添者而足而今承調動告單弱所調不堪戰陣此人知其無此軍冒此餉者若是將姑任之乎祖宗朝特起大臣行邊選差科員閱視督撫是見在大臣自爲之亦可巡按是見在閱臣嚴覈之亦可近日題准屯田專差科道卽以之委任亦可戶部清餉與兵部清兵事必相因而起今內顧京營而京營官餉外顧邊鎮而邊鎮官餉甚至遼東如此火急前後調募之兵出關逃故之數舌敝眼穿而竟不得一確數明旨特諭頒降亦不知凡幾而無一應也此則戶部力窮專望兵部而如京營如各鎮清得一分則受賜一分矣至車駕之驛傳當清俵馬當折價見別款中武庫之柴值額設備用甚饒取

之以奏遼東安家買馬之用戶部不望分毫但有此則  
兵部分任之銀或有所出不至紛紜不定本部可以相  
安耳此條關遼餉尤亟者一刑部原無額設錢糧但  
據大明會典弘治十四年議准囚犯贖罪鈔貫俱折銀  
或折銅錢按季類送戶部隆慶五年題准一應贖贖俱  
半年一次送戶部接濟邊用如有修理公費谷工部題  
請兩京各衙門但有贓罰俱照此例行戶部仍於年終  
通將各衙門送到銀兩開數具奏則是刑部亦有濟邊  
之例聞今在監人犯應追贖贖甚多卽如近年以前本  
部通廳叅送書辦沈有瑞侵欺錢糧一萬七千餘金至  
今未見完結嚴定期限使其人絕貧緣而事無牽掣斯  
以助邊必得速濟是望設誠行之一工部四司歲額  
料銀五十萬兩外別項頭緒尚多亦有職掌相關盈虛  
可酌者如營繕司軍民工匠除輪班者折價不計其住  
坐於戶部支月糧光祿寺支直米卽與戶部相關矣考  
之會典嘉靖十年差工部堂上及科道官司禮監各一  
員清查革去老弱殘疾有名無人一萬五千一百六十  
七名四十年清查見在支奉食糧匠官匠人革去一千  
二百六十五員名隆慶元年又除逃匠不補及裁老弱  
一千二百七十四員名三年又清查實在存留之數又

除二千五百一十七員各然則欲行清楚亦無不可清  
之而太倉光祿省米不可勝計且亦有益工部者也虞  
衡司皮張軍器已剝乙戊二庫中野味翎毛數似無幾  
惟胖襖袴鞋一項弘隆嘉萬四朝俱有折徵之例會典  
載額三萬五千六百八副每副折銀一兩五錢歲可得  
銀五萬三千四百一十二兩庫貯陳陳無益折徵充餉  
二年宜可行者至都水一司掌川賚舟車之事國初航  
海餉遼運道艱料規畫井井皆其職掌正統弘治正德  
隆慶間屢見施行而今日責之於戶部卽戶部不敢辭  
工部當爲協濟舟車而後可乃加派二十萬九以爲少  
而區處未聞恐非完計都水錢糧歲入固不多歲派則  
甚侈黃河運河所在額設老人總甲堤鋪橋堡洪泉閘  
壩涵淺等夫若干萬名停役折徵椿草修河米折等銀  
若干萬兩說者謂河流安瀾已久工價冗長數多力查  
存省以此協濟海陸二運舟車之費似不煩再計者其  
麻鐵等料應折東南織造應停言之最脣任者掣肘今  
惟恃盈庭以束一決矣又清江造船費用甚曠荆抗兩  
廠抽分易贏前此除南關馬諫助銀二千五百兩外如  
吳叔度有千金助餉交到戶部而銀仍畱工部別用者  
不知何謂屯田一司惟有年例柴炭八千三百三十九

萬餘斤與砍擡柴夫銀三十二萬八千二百三十餘兩一薪之用或不必羨費若干就中宜爲商量大都四司悉心議處軍需或者有賴而工部有錢糧則戶部可息肩且不失分任之舊制亦仰遵近奉之屢旨也一光祿寺供應錢糧歲額二十四萬餘兩先年梗米豆出諸田賦果品廚料取給上林繼令召買正統中始會派省血矣內監藉名供御溢取無時該寺或明知而不得問或暗盡而不明言終飽窮徑查嘉靖三十二年少卿竇一桂題歲用不足加派銀十萬二千六百兩零三十七年聖諭光祿寺年用三十六萬銀可是作何費用禮部當知一問合回寺卿盧宗哲等覆奉聖旨這所費開上無細開之數該寺豈無侵冒情弊姑且不究今後著都察院差御史一員查刷每月一具揭進覽於是三十八年隨題錢糧有餘加派之數間補太倉矣夫世廟一詰問問而省十萬二千之派今額二十四萬豈無當年之侵冒特天語未及問耳聞之月進折膳銀一萬三千兩甫入思善門內監瓜分至盡外庭無處可查至於大官梗米細粟原充每日造飯祇待官吏監生將軍及監局匠作食用今亦不知造飯若何但如萬曆五年戶科劉魯條議該寺梗糯及上中白米積貯數多將來陳

朽乞要折納戶部尚書殿正茂覆桂梗米每石折銀一兩糯米每石折銀一兩一錢若今照此例暫行二年應得一十三萬六千可濟急需其細粟米原係折銀亦令解部二年長蘆食鹽歲納六十餘萬包每包五十斤必六七十斤始得納竈戶虧累無已而鹽庫所積除各監監領外尚可支千數年暫解二三年折色充餉甚便又皆於內供秋毫無損是惟質之巡視便可力行其四署廚役額至三千四百名而實應役者不及一千能操刀者不及五百餘俱雇覓窮窶祇候各官進署一時耳其二千餘名每月納官錢百三十文坐享糧米一石三十七年後又得王府典膳一官計其買差之費不過十六七金積三十年富糧三百六十餘石可爲痛惜應嚴查實役操刀外餘盡汰之歲省太倉米三萬餘石十年便是三十萬石矣一太僕寺佞馬言應折解者甚多先年富事獨持不可其意或曰衙門職掌或曰緩急備用而已夫一馬三十金卽有司賢者亦半以市馬而半以充費非別費也一馬之解盤費打使必須八兩而後足凡官部邑者盡知之若解至萬馬是有八萬餘兩歸浪擲矣倘折徵萬匹便有三十萬兩歲入太僕而奪其半以備買馬用其半以爲兵部調募之資則不必括及戶部

之新餉是何害於衙門職掌何方於緩急備用此亦建  
議所屢及者若京畿寄養之馬料人人腹而皮骨僅存  
不堪備禦又不必言夫外以一馬費二馬而內不收良  
馬之用是亦所當計畫者但以資兵部調募而戶部無  
所利焉以是爲不侵其職而已若論二部分出調募之  
銀兵有餘資戶部代辦此亦同心共濟之誼也○一議  
存留稅糧大明會典天下糧草等項國初命有司據  
季開報後以季報太繁令每歲會計存留起運申報上  
司轉達戶部俱從戶部定奪今歲會書冊多不報部無  
憑定奪久矣查各省直存留錢糧除禮兵工三部不計  
外屬本部項下者木折一千六百四十五萬兩有奇此  
萬曆十年部覆工科李廷儀之數也內夏稅秋糧一項  
存留本色一千一百九十一萬石有奇如福建一省糧  
額贖銀歲有一十一萬此萬曆元年部覆巡撫譚綸之  
數也當初各處議留俱從寬綽非止供一時之用前疏  
內云將各省直歲入歲用滿算滿除每歲可贖銀百萬  
有餘此指稅糧一項而言也查此項卽今該府州縣及  
儒學倉本色折色米豆之類各處徵本色者以改折色  
者多作正支銷不過放給官吏師生俸廩孤貧口糧有  
王府者如放王官俸米而止如遇員缺例該起解本部

邇來缺俸起解絕少而其支贖銀兩不日備闕則曰防  
災又不然則巧立別項名色以開銷之本管上司或爲  
其隱而况本部尙未參覈存留徒與爭一缺俸漫不爲  
憲法紀蕩然今遼事急需餉多割存留之有餘濟起運  
之不足此祖制錢糧非創加事例宜無不可行者應除  
前項官吏師生俸廩孤貧口糧及王府官俸米各照見  
在員各支放外但有餘贖千百以至釐毫盡數解作邊  
餉此外別項支銷撫按查果地方應用稍緩別於存留  
事相當別無處法者姑准扣留如應用稍緩別於存留  
課程商稅鹽鈔等內通融不得占用稅糧正項至巧立  
名色欺隱開銷者查明奏報究治扶同不舉者本部指  
實奏請處分今查浙江省除放正項俸廩又扣別項貢  
具充餉等銀外杭州府仍贖三萬七千四百餘兩處州  
府仍贖一萬二千四百餘兩紹興府仍贖七千四百餘  
兩湖州府仍贖四千六百餘兩溫州府仍贖四千一百  
餘兩其餘府分或三千二千一千餘兩州縣分多者千  
餘兩少者百餘兩湖廣省除放正項俸廩又加王官衛  
所司吏孤貧厲祭等米外武昌府仍贖三千餘兩永州  
府仍贖二千四百餘兩承天府仍贖二千三百餘兩辰  
州府仍贖一千七十餘兩州縣分大者數百兩小者數

十兩不等以兩省例之天下總餘不知若干銀兩取還朝廷暫濟急用於名無悖其別項支銷如衛所官軍應儘屯糧本色不足然後量留折色司更月糧課程商稅儘可通融孤貧重囚卽預備倉糧亦堪仰給於實又無虧也○一議里甲公費大明會典嘉靖六年令巡撫等官查考各州縣有令見年里甲本等差役之外輪流直日分投供給米麪柴薪油燭菜蔬等項及遇親識往來使客經過任意攤派下程陳設酒席饋送土宜添撥脚力者革開罷職若二司官縱容不舉撫按官以罷軟開報蓋自此令行而後巡撫等官將前項雜費明派里甲之中小民出銀官爲代辦法非不偶善民非不少甦然初不過額徵料物走遞夫馬一端所謂本等差役耳其後漸將有司濫費增入其中於是或名三辦口額辦口坐辦口雜辦或名四支曰額支曰待支曰雜支曰役支或名九運曰慶賀曰料物曰祭祀曰鄉飲曰科貢曰恤政曰公費曰備用曰夫役又或曰軍需或曰經費或曰綱銀或曰會銀而總之則里甲公費是矣小民歲輸不絕官司口用不知甚者里甲既已出銀又勒供役如大戶等項名色却將前項公費半入橐囊半充交際民窮財盡使無遼事固當返之况戎馬生郊輓輸載道再

難加賦於額外必當縮費於額中此四差之一應議者  
如浙江省三辦銀三十五萬八千餘兩江西省里甲銀  
二十一萬六千三百餘兩湖廣省排夫脚馬銀二十萬  
四千六百餘兩丁糧額辦公費供應備用四項又十一  
八萬七千餘兩福建省緝銀六萬三千一百餘兩山西  
省四支銀一十一萬九千九百餘兩南直應天府里甲  
銀六萬二千二百餘兩淮安府里甲銀四萬九千四百  
餘兩北直深州四支銀二千三百九十餘兩河南輝縣  
里甲會銀二千餘兩以此例各省直府州縣此項銀兩  
之多每十分限取三四解作窳餉斷不為過蓋三辦中  
雜辦可取四支中待支役支可取九運中公費備用可  
取至綱銀會銀總自寬裕排夫脚馬亦與驛遞夫馬不  
同內有州縣極僻不通人行而額設甚寬者撫按如果  
上為朝廷纓冠之誼下燭閭里銖兩之姦此項力行節  
省依期解京有何難事至於某吏應省會更州縣者自  
知之○一議均需銀力 大明會典隆慶四年題在江  
西布政司所屬府州縣各項差役逐一較量輕重係力  
差者則計其代當工食之費量為增減係銀差者則計  
其扣解交納之費加以增耗通計一歲共用銀若干照  
依丁糧編派開載各戶絲貼立限徵收其往年編某為

某役某爲頭戶貼戶者盡行查革如有丁無糧者編爲  
下戶仍納下銀有丁有糧者編爲中戶及糧多丁少與  
丁糧俱多者編爲上戶俱照丁糧併納膏爲定例此  
後來通行天下併將力差改作徵銀謂之條鞭乃四差  
之一也然所在不同或參佐丁糧或仍分庸調考求其  
實元濫爲多畧舉全數如浙江省均徭銀二十萬一千  
四百餘兩福建省均徭銀一十六萬一千一百餘兩山  
西省銀力二差銀三十八萬二千二百餘兩陝西省銀  
力二差銀二十三萬七千八百餘兩南直應天府均徭  
銀四萬七千餘兩淮安府均徭銀三萬五千餘兩北直  
河間府銀差一項銀三萬一千八百餘兩力差聽從義  
在其外山東兗州府銀力二差銀一十三萬九千五百  
餘兩河南許州暨四縣銀力二差銀一萬三千餘兩以  
此例之天下此項銀兩之多少何可勝計然其大者不過  
起運京班柴薪直堂皂隸逃絕富戶之屬爲數有幾問  
或直省額辦物料亦入冊編其次撥運王府贖郎騎尉  
存留司府州縣柴薪馬夫儒學齋膳夫及各衙門內書  
早禁兵快庫手而何至費朝廷如許金錢贖股民爾如  
許膏血此豈區區細故及今省一役朝廷收一雇役之  
錢汰一入民間去一食人之蠹遼事亟資此充餉遼事

寧從此輕稱非禮宜制且之謀也本部先為避兵四集  
 肅餉孔殷消數各役一二名色聽其全裁半裁行之自  
 直或全無應者或一二解到難於抽扣民壯之中各實  
 漫然堪為浩歎今舉均徭銀力正大之名十百千萬繁  
 鉅之數明白告之中外請問地方無事年年額派小民  
 辦此差徭未嘗減朝廷一旦有事却於此中清查元  
 濫取用一半果否存理傷道生端擾民地方因何占各  
 不行裁解有甚必不得已之役與遼事相當必不可汰  
 之人與遼兵其急不妨明白具奏請旨存問若但因循  
 故套以為一呼百諾堂下需人送往迎來門前有客與  
 夫藉名取用竄送上司逐項扣除充盈私橐首是安見  
 其不得已不可汰而有司既自占吝撫按不與剖明何  
 也自今通行省區嚴查某州縣銀差若干總裁起解若  
 若干力差若干總裁起解若干務尾十分之五盡充遼餉  
 其不分銀力止稱均徭條鞭者照此例行。一議水馬  
 驛遞大明會典嘉靖三十七年題准各該地方舊額  
 填銀兩協濟銀兩量留十分之五以備正差支給餘銀  
 盡行速解戶部以充邊費萬曆三年議准每省驛保官  
 各給以專勒關防其在直隸增入兵備勘內務晏不時  
 往來巡歷清查錢糧點檢府車勘察勘合禁毀牌票於

時禁例甚嚴驛遞夫馬甦息錢糧積餘邇來水陸爭馳  
舟車旁午民不堪命久矣蓋其事則四差之一而其累  
則四差之首畧舉省府大數如陝西首編站價銀四十  
四萬三千九百餘兩湖廣首編驛傳銀一十六萬一千  
九百二十餘兩除里甲夫馬二十萬兩又在其外福建  
首編驛站銀一十一萬四千四百餘兩廣東首編驛傳  
銀五萬八千八百餘兩南直淮安府編水夫銀三萬八  
千四百餘兩鎮江府編驛傳銀二萬七千九百餘兩浙  
江杭州府編驛站銀二萬四千七百餘兩紹興府編驛  
站銀一萬六千餘兩以此例之天下此項銀兩之如何  
可勝計今除馬價夫價廩給支應等銀未可議減外如  
鋪陳一項奉旨裁革已久各處仍舊徵銀備辦山東一  
省多至三千三百副鎮江一府多至七十副其他所在  
有之豈有上司過客不攜襍被倚辦驛傳之理不過有  
司趨奉咨悅一時列款編銀已爲可駭甚有將銀暗扣  
仍派大戶爲之者上違明禁下蠹民膏甚矣何不一革  
盡革取其銀以佐餉乎又如船隻一項除省直衝路額  
設聽差及撫按乘坐外兩司各道府正佐及州縣官每  
員占定隻數歲歲費打造修船錢糧船頭水手工食及  
一應什物之類每隻不下數百十兩此宜通行查酌裁

革如有水無陸衝要地方原設十隻定裁五隻十隻上  
下各照此例裁減餘存各船總作聽差名色輪流差撥  
不許分定司府州縣衙門常川占用此項銀兩通行省  
直爲數亦多堪查作餉者也其陸路使客裹糧爲難故  
應付夫馬外例辦坐司委不可少至於水路長行一切  
自能准備除站船水夫仍舊接替外其過關米銀不論  
是何衙門大小職官奉何差遣與凡承舍人等一體盡  
行裁革令額派地方拆解充餉此亦萬萬無礙事理昔  
驛傳元濫之費實不止此且先舉此易簡三端可求速  
效若中外一心盡革言濫凡過客應付夫馬廩糧一照  
既久積餘自多。一議民兵工食大明會典洪武初  
立民兵萬戶府簡民間武勇之人編成隊伍以時操練  
有事用以征戰事平復還爲民正統十四下令各處召  
募民壯就令本地官司率領操練遇警調用事定仍復  
爲民弘治六年令官司私役民壯者照依私役軍例問  
罪嘉靖八年再申前例不許司府調集團操敢有擅差  
勾攝及學習鼓吹迎接上司等項俱從重究治今所在  
名色不同浙江則有標兵精勇水兵民壯弓兵之目湖  
廣則有標兵練兵騎兵精兵父兵殺手弓兵之日山東

甲青奇馬民兵步隊民兵有馬快手步隊民兵  
壯之曰廣東則有民壯弓兵打手殺手勇手精兵之  
實區別有民款弓兵千長百長總甲小甲民壯打子之  
自其他或止稱機兵正稱民壯止稱民兵或獨標款項  
或雜出銀力二差之中而其工食如福建省機兵一項  
編銀一十六萬五千三百餘兩廣西省民款各項編銀  
一十三萬六千二百餘兩廣西省民款各項編銀八萬  
七千三百餘兩浙江省民壯一項編銀八萬五千四百  
餘兩山東兗州府民兵各項編銀五萬餘兩南直隸安  
府民壯一項編銀二萬八千餘兩和州民壯編銀五千  
四百餘兩以此例之天下此項銀兩其多不可勝言問  
其人則分撥各衙門某司道幾十名某府正佐幾十名  
某州縣幾百名矣問其事則輪差勾攝學習鼓吹張打  
旗幟迎接上司矣抑思祖宗之意正為今日有警如寇  
東者而設乃誰經操練誰堪調撥而本部議行抽扣不  
惟全無實應抑且嘖有煩言者何也及查各處給銀之  
數北直馬快手一名四十兩山東聽征有馬民兵一名  
三十六兩有馬快手一名二十七兩聽征步隊民兵一  
名二十一兩步隊團練民壯一名十二兩守城民壯一名  
八兩河南有馬民壯一名二十兩州縣快手一名十四

兩江北快手一名二十兩民壯一名十二兩浙江健步  
弓兵一名各十二兩其他省直每名至少亦有名兩二  
錢上下以其名數之冗則應汰以其工食之多則應  
裁減二法通融牽算十分爲率應留四分爲地方防捕  
之用起解六分爲遼東兵餉之用所得亦不貲矣如各  
處藉口團操不可頃減則請以其團操之官與其團操  
之兵及其團操之餉一齊調發遼東應援庶幾遠合祖  
宗之成憲近濟封疆之急需亦又何辭之與有一議  
督撫軍餉大明會典萬曆七年題准通行南直隸  
江江西湖廣建廣東廣西四川雲南貴州山東河南  
督撫查將軍餉照各邊事例定爲多寡經制每歲  
照數查盤年終督撫開具原額收除實在及尚存數目  
奏報今奏報久未見矣此項錢糧重大不減九邊首  
更加數倍止緣腹裏地方派在各款存留之用無人查  
覈然如有關十分兵餉必姑六七雜用不過二三第  
因事增兵增餉又在額外加派地方題留起運事寧兵  
止加節不除留者不解而餘餉不可勝計矣兵止者勿  
論其原額衛所之軍日耗一日節存召募之兵今日耗  
一日而曠餉又不可勝計矣姑舉三省爲例隆慶六年  
廣東原根歲入四十一萬餘兩萬曆二年起至四年止

冊報開銷四百一十五萬餘兩出多於入歲後再倍報  
尚不足應也况不報乎至二十二年朝鮮用兵本部取  
道該省銀一十五萬兩尚有見貯四十五萬兩總督仍  
題免解此餘餉之多一證也萬曆七年四川原報歲用  
除本色外該折色銀三十四萬餘兩及查該省存留各  
項折色六十六萬餘兩內支前數已爲強半民屯本色  
止有一十五萬餘石尚不敷三萬石別於民糧銀內權  
買放支是養兵之費實多於各項之費至十九年後雲  
南有事本部題取該省銀四十萬兩解去應用又餘餉  
之多一證也至鄖陽巡撫所轄幅員領餉遠遜他方萬  
曆九年衙門裁革當查存贖鄖陽府庫八萬餘兩除續  
到及拖欠不計以此推餘餉之多蓋無一處而不然督  
撫賢者撙節留貽爲他日緩急之備但恐有大力負之  
而趨蹤影纖毫不露且無過而問焉者何不令出贏餘  
仰佐國家之急也今議累年所積既無奏報明之槩行  
取解未免支吾不若斷自今年爲始每十分取用一分  
如浙江一省兵餉四十二萬餘兩內取四萬二千其餘  
做此勤限每上半年起解有不應者本部會同該科著  
實糾察法行當自上始勿徒責一二州縣鞭撻小民而  
令崇熙太吏袖手旁觀坐享買朽之藏從此奏報查

必如典例兜底清明斯得之矣或慮各處兵餉皆防海  
九曠盜苗孽之屬豈可輕動不知此非動其見在防宇  
動其積餘扣贖者也且如見在防宇廣東一省用火藥  
銀五萬餘兩所費不值萬金餘俱乾沒舊規局官造冊  
申道只此驗訖二字或欲驗之則百計央情求免且有  
當官力庇之者又如真定放餉往時每百兩扣三兩則  
軍額清廉扣至五兩猶不稱厲甚至八九兩而後怨聲  
非此皆寘其地者言之以此例考餉之冒亦無地而不  
然見在防宇如此儘可清查扣解况原係贖餘者乎如  
謂設餉以後從不可減則鳳陽巡撫嘉靖三十二年刻  
設先派廬鳳等府田地等銀十八萬兩後一減至十三  
萬兩又再減至十萬兩何以獨可減也如謂減輕百姓  
或不可解則廣東兵餉萬曆二十七年撥與稅監李鳳  
五萬六千餘兩二十八年又撥與該監一十四萬餘兩  
遂以爲常何以獨可解也不減不解止存地方各一備  
緩急之資實則歸耗蠹之藪其十分取一似尚可也  
貴州免議一議民元官大明會典官員因事特  
建則有開設省去冗官則有裁併如各府知府同知通  
判推官各一員後同知通判因事添革無定員推官江  
西吉安府增設一員後革各州知州同知判官各一員

後同知判官因事添革無定員各縣知縣縣丞主簿各一員後縣丞主簿因事添革無定員夫此親民正官也多一員則有一員之俸斂柴馬衙門宅舍什物銷燬輻傘船隻等項何一而不取於民有一員之吏書門皂快壯夫排誦司行戶供應工食等項何一而不取於民此其顯然者至於身家路絕之際齒緣種種不可名言浸淫有何限制亦何一而不取於民也噫甚矣省官爲今日第一義省親民之官尤第一義中之第一急也計今省直爲府一百六十同知二百員則多四十員通判二百二十七員則多六十七員此不分繁簡一槩辨平而論也若除事簡府分同知通判原不兩設者計之則各處增設愈多胥吏甚今議邊鎮監收糧料姑仍舊設外如清軍貼堂捕盜馬政海防江防等同知斷乎當以兩員歸併一員者也管糧捕盜管局水利鹽法撫民等通判斷乎當以兩員歸併一員者也其事簡府分清軍同知號爲冷淡管糧通判糧之完欠原不與聞或裁同知或裁通判斷乎不容兩設者也如此裁之各府次及州同判官又次縣丞主簿縣此例行盡取冗費以佐一時之急規去冗官冗役以甦萬民之困何爲不可驟是推之兩司首領布政司都事一員萬曆九年曾革矣簡

較一員浙江等六省見革矣副理問一員提控案牘一  
員江西等五省見革矣按察司簡較一員浙江等四省  
見革矣未革省分獨不可例革之乎又如各倉庫司局  
場所有副大使止存一員革去餘員可也各巡簡司巡  
簡地方無甚緊要酌量裁革可也夫如是不加小民錙銖而歲  
州縣管課通行裁革可也夫如是不加小民錙銖而歲  
有千萬之入小民亦不啻去千萬之害別無阻礙難行  
但恐選人微苦壅滯然何知通判極裁不過百員以性  
遷專故通算每員三年一缺百員一年之內止得三十  
餘缺裁去之後一年只壅三十餘人惟司府州縣佐領  
等官累年開納甚多極爲政體民生大蠹今計通行裁  
減各官冗費盡解本部比之開納銀數約畧相當而一  
則增民之害一則去民之擾本末輕重亦自懸絕深思  
遠慮惟有將戶工新舊見行事例中如免考完年某行  
改某行某官加某官及註誤納復之類恍惚撓越致壞  
選法者盡行刪削停止堅持厲禁盡二十年爲期在京  
在外簡不許一人破例如此則已納者次第得官不失  
故物前薪之積後浪之催庶乎可免而其納監生儒士  
吏典承差知印農民等項照本等行加空銜給通授及  
一二武職事宜酌舊例行則公私胥便矣○一議宗藩

附贅 王府官制長史司左右長史各一員典簿一員  
審理典膳奉祠典寶紀善良醫工正等八所官十四員  
各倉庫大使各一員內有先後添葺郡王府教授一員  
典膳一員俱後添設宗藩條例載嘉靖四十二年周府  
南陵王雖撰奏稱王府衙門政簡員冗弊繁如長史審  
理典寶紀善教授典膳典儀等官只合每用一員其餘  
革除四十二年益王厚炫奏稱各府司所司吏典吏有  
可以無設者用一人則多一人之費節經禮部覆准裁  
革而在近日又浸冗矣今議除長史司左右長史仍備  
官以有講體其奉祠所有奉祠正一員裁典樂一員紀  
善所有紀善一員裁去一員典儀所存典儀正教授引  
禮舍人各一員裁典儀副件讀各一員工正所及各倉  
庫并衙門裁革郡王府存教授一員裁典膳一員以上  
各官歲支俸米亦是存留稅糧各有柴薪取之均循錄  
力計之各府雖不甚多合之天下則可數萬此官屬之  
贅也至於齋郎一項會典裏例未見有何執事各府多  
至五六十名少有至一名者徭編工食不齊湖廣每名  
六兩山東每名五兩河南每名三兩謂宜以五六兩者  
改從三兩其原不及河南者不用此例民厨民尉二項  
各郡王府有之徭編名數工食亦自不齊萬曆八年題

准山東郡王每位民廚二名每名徵銀八兩民廚二十  
 名每名徵銀十兩較為申制謂宜通行各郡查其名數  
 工食多者盡收從之其原不及山東者不用此例觀上  
 原無民尉樂舞生舊例將有驟道士補充郡王原無鼓  
 手有司安編三項工食送用及各府私署貧民隱占徭  
 役者即盡除之他如守墳尉鋪排夫壇夫門子斗級庫  
 子屠戶菜戶等項盡派徭徭編徭徭此服役之資也  
 二衛軍尉應役惟守墳民尉照舊編徭此服役之資也  
 至各省直田土除州縣額徵王糧外別有王莊一項不  
 登版籍不納差徭即使請討得之已非曾天率土之義  
 矣况其緣此朦朧廣受軍民投獻影射徵糧地土奸徒  
 充佃不惟避差且作逋逃罪人之藪有司莫可究詰比  
 如山東萊州府屬地多衝府莊田管莊員役招聚逃  
 潛住為非萬曆七年巡撫趙賢有奏四川屯田原額六  
 十五萬餘頃今至迷失六十萬頃止存四萬餘頃說者  
 謂蜀府莊田之富職此之繇謂宜恪遵會典成化六年  
 題准事例將各府欵賜田土該子粒行令佃戶赴本莊  
 州縣上納各該人員關領下許自行收受其本非欵賜  
 或私受投獻而隱占民屯或雖係置買而躲避糧差者  
 仍照萬曆九年湖廣巡按題准事例將莊田清丈照地

徵糧庶公家正賦不落私門此莊田之贄也若祿米一  
議已載禮曹職掌中姑免再贅○一議腹裏衛所孔糧  
大明會典正統十年奏准福州左右中衛軍延平衛  
屯田准照民間秋糧事例每石折銀二錢五分解部濟  
邊本部奏議萬曆四年江西巡撫潘季馴查出衛所支  
贖銀六萬四千七百三十餘兩解部濟邊夫屯糧一項  
今謂積逋不可問者也福建何以折解江西何以積餘  
蓋此腹裏衛所額軍有減無增額田有熟無廢以今日  
之屯養今日之軍逋之數決不當贖之數明矣一向贖  
者何在管屯屬之衛所餘銀寄貯府庫各府欺人至將  
本等存留稅糧亦曰與同籽粒奏放官軍俸月糧米矣  
不知官軍應得俸米非先期抵借卽就屯兌支博詢省  
直皆然絕無徵糧到府而後關傾者其支贖貯府衛所  
不敢問院司不及知查盤之法未嚴於此而故耗孔從  
無發覺者今遼餉亟矣槩言搜括彼且支吾請以福建  
江西前例問之省直撫按括之司府庫貯腹裏之軍昭  
然赤籍不能增少爲多惟有完欠二字爲閃爍之地又  
有一法直與更始則令州縣管屯洗盡衛所積弊是也  
蓋衛所官本多闕茸况易憑陵弱不得抗諸生愚不能  
取書識污不敢束旗軍未管則鑽營方管則侵盜既管

則追貽父以屯斃而子復然彼以屯拔黃而此復然且也屯制地錯於大牙管屯者輒遇於馬腹下屯則吮血無厭不下屯則追覓不寧斷斷非屬本管州縣不可州縣比較徵收撫按立循環簿入查盤冊行之支贖解邊易易矣又以民糧輕重比勘屯糧酌量少加其額以佐遼餉此征播時楚蜀已行之例非創也大都屯四一分今納餘糧六石是其正頂此外有無差發所在或者不同然比民田則例十分定輕四五不必驟加與民間每畝九釐等而彷彿其半或所宜行語稱養軍千日用軍一時腹裏之軍既不堪相朝廷養之何為民田已加而屯田不及更非法之平也至於改屬有司考之會典嘉靖二十四年令各衛屯用有管糧通判處行通判帶管其無通判處行各該兵備官帶管是已明屬有司會計錄弘治十六年遼東巡撫張龍隨將安樂知州帶管三萬等七衛屯田自在知州帶管定遼等七衛屯田本部奏議萬曆九年江西巡撫王宗載題撫饒二所屯田坐落直隸地方要將建德東流二縣掌印管糧官聽江西撫按官查叅俱經本部覆准是又事例了然無疑者近來各處軍衛密編非有司不公田糧爭訟非有司不結今當明白奏請將衛所屯田事宜仰付州縣施行一處

開籍卷宗查明立案仍盡移送州縣與凡扶典頭種屯  
田契書文帖併行州縣查驗價值每兩量稅釐毫不能  
可解濟遼而從前隱古爲之一清不問軍民匠竈勿奪  
其產但令增操辦糧可矣心一議蘆州課價大明會  
典嘉靖二十七年題准一應蘆州除洪武永樂間欽賜  
功臣僧道等處不動外其餘行巡江御史逐一查出委  
官丈量明白召民承佃度地定課量收租銀十分之三  
各該附近府縣徵完係南工部原額者照舊解部收貯  
支銷多餘銀兩盡數解送戶部以充邊用本部奏議內  
載四十二年戶科條議沿江蘆洲照廠徵銀歲可得十  
餘萬合行撫按查勘要見原額若干新漲若干一切勢  
豪黠戚侵佃應追復者追復應起科者起科責令地方  
掌印官依期徵解本部濟邊如有抗違聽撫按指實叅  
究蓋言之詳矣及查會典南工部課額二萬五千五百  
六十餘兩考之應天府志上元江寧句容江浦六合五  
縣課額一萬四千六百八十四兩有奇會典少載七千  
九百餘兩和州志木州額課二千六十九兩有奇會典  
少載九百三十餘兩兩志之作與修會典同時如此懸  
絕其間不可問矣歷歲滋久川陸又有遷移長江何地  
而非洲渚縱橫蔽虧相擊無論熟地基地好蘆地動值

百千萬金卽光灘水影人人爭欲得之豪家不惜貲財  
小民不惜身命闕訟殺傷往往而有甚至主人更一個  
戶佃戶登時預納數倍租錢或不肯棄業而去此東南  
第一等重刑所在而納之南工者千百一二登之會典  
者十分二三不過曰宛在水中升沉不定耳然水有趨  
必有含有激必有迴趨者茹而舍者吐激者噴而迴者  
聚南野則北漲東沒則西生此不易之理荆楚間父老  
言約三十年一定江吳以下水勢彌漫約十五年一定  
其積漸則然非一日一月能使漲者坍生者沒也及今  
速行所在撫按委廉明推官逐一踏勘丈量果係欵賜  
着功臣則查是否的派子孫有無故絕典賣僧道則查  
是否相傳寺觀有無碑敕可憑務分真偽以爲因革其  
餘某係舊額納課南工某係新增滕隴隱占或府縣公  
莊費用或勢豪霸業收租通行查出逐州逐縣記其兩  
岸地名里數並與蘆洲項畝編造魚鱗文冊酌定輕重  
徵租總數細開報部除足會典南工原額外其餘盡解  
濟運湖廣江西二省有王府處指稱給賜影射者照前  
功臣例行並聽有司管佃除足原課外有餘亦解充餉  
其或勦賊勢豪阻撓清丈撫按卽時奏報遲速多寡  
行南京上下二江巡按各爲責成以其奏報遲速多寡

又爲撫按盡公顧私之別可也○一議廣鑄制錢  
家有事以來諸言鑄錢者以十數而未便施行何則致  
銅難也蓋銅產於雲南走永寧出荆江者十八九走辰  
沅出洞庭者百一二咸會於蕪湖賈人子不憚閭關而  
致之不期會而齊不截流而止至於南京順流而東信  
宿可達然招之亦不齊羈之亦不止者何也趨利之審  
而避不利之嚴也况蕪南京又數千里至京師顧可遷  
而致之乎先年名商給價買銅數年不返徒誑官錢其  
後差官收買持部劄駐蕪湖經年未有應者今又請勅  
印駐南京駐蕪湖之銅盡下南京然不日乏銅則曰缺  
船未見源源而至也果銅不足哉官買則不足私販則  
有餘官買之不足無論蕪湖跡之南京京師而皆有餘何則  
私販之有餘無論蕪湖跡之南京京師而皆有餘何則  
焉鑄打造思廣而途分四海之內一日之間售銅幾千  
百萬真銷銅幾千百萬斤貨銅幾千百萬事而令官執  
區區之體求之是猶一目爲羅而與彌天較獲也山海  
監戴天地自然之利古來富國無不首筦其權今筦海  
不筦鹽法歲入百四十萬銅無秋毫之入失利莫甚  
焉然非祖宗制也考之太明律錢法款云其軍民之家  
除鏡子軍器及寺觀菴院鐘磬鏡板外其餘應有廢銅

企聽赴官中賣每斤給價銅錢一百五十文若私相買賣及收匿在家不是官中賣者各笞四十大明會典銅鐵課款云成化十七年令封閉雲南路南州銅場免徵銅課其私販銅者出境本身處以全家發烟瘴地面充軍二十年令雲南寧州等處軍民客商有偷採銅礦私煎及潛行販賣出境者照路南州例究治此祖宗之家法致銅之善策也今欲驟舉洪武之律奪民間成器像物以供鼓鑄不無感人買之則先無其本若舉成化之例所在銅場不許軍民客商私採私煎私販而以一官筦之此於政體極爲正大人情不致驚疑事勢易於振舉而泉貨之源滾滾不竭非遺官名商與姦盜細民爭利者所可彷彿萬一也查路南等州出銅處所設司道一員畧如鹽法道例或量設分司一二員或卽以本地有司兼攝分理領其坑冶時其採辦治其煎煉按季差官先辭降路設法雇募肩挑駝運一如商賈之舊西走四川至永寧瀘州東走貴州至銅仁鎮遠則一水通行源源轉輸南北兩郡不過給與勘合倒換站船而兩郡之鼓鑄通矣此外嚴禁一切客商私販犯者照成化刻登時處治不赦贖則必無有開山之貨舉操之權只分官府之刑者矣此議一定行令天下廣鑄天啓制錢一

華洪武永樂宣德之制盡用一色出礦生銅不許攙和  
爐甘石窩鉛點作黃銅以致低假開發盜偽鑄之實如  
慮生銅太濶亦止許照弘治間每生銅一斤用水錫二  
兩之制臨爐官點以絕弊源如此則錢美而值高民間  
不能做效不禁私鑄而私鑄將自斷矣第恐雲南徑運  
兩京太遠省直就被易買為難則設銅官於四川瀘州  
湖廣沅州兩地或卽將兩地知州選授甲科主之令雲  
南運銅者到彼息肩而以值價銀給其脚費省值買  
銅者於彼駐足而有所運銅斤兌與領回其脚費外有  
扣贖之價與兌給外有積餘之銅則總貯之以爲兩京  
官銅與水脚之用而自瀘州沅州以下水路就便差官  
押送兩京或於荆岳武黃九江等處附搭漕船運進亦  
便計也漢賈誼言銅布於天下其爲禍博矣上收銅勿  
布則除博禍而致七福此千古鑄錢之得策宋制犯銅  
禁七斤以上處死王安石罷銅禁鑄鐵錢遂壞一代之  
法此千古鑄錢之失策我祖宗律令亦循行古之道也  
而子孫臣庶何遽不能守之哉但在目今則以擇人任  
官行法爲第一義耳舍此則召買零星官與民爭利機  
和抵假朝與市爭奸毋論官銅必不勝私銅抑且官鑄  
必不勝私鑄而行市阻滯貨物踊騰盜賊蠢起恒必歸

之矣。一議與復屯種。本部題准舉行七事。屯田居首。年催奏報各舉查參。蓋以實濟墾九邊而未免於虛文。相應。無舉官。稱墾久在。責成耳。今廷議翁然。咸以屯田為本。務本部題覆。至再。只俟遣官。但或謂兼差。科道或謂專設臺差。如北直河南山東見有巡屯一員。陝西增設二員。山西遼東共設一員。俱以三年滿算。二或謂九邊宜照萬曆十九年例。差閱視九員。近日本部覆疏亦言。科道並差業奉旨矣。又有言。腹衷宜復清軍。御史帶管屯田者。其科有科規。臺有臺規。非本部所能擅定。然事在必行。亦須蚤為議妥耳。至於欲復屯田。必開水利。欲開水利。必召南人。此河北山東不易之理。至南人裹足。而召之難。則軍墾宜復。至軍屯久壞而復之難。則官課宜嚴。此治邊各鎮不易之理。惟是用器牛種。一出於官。而官窮。一出於民。而民憚。始慮如此。後效其可期乎。深思長便。惟有國初高皇帝創制。非後人所及。而今日行之。尤對證藥也。查得畿輔河南山陝等處。拋荒田土。最多。然有額內者。原屬軍民。有額外者。原係曠土。不屬軍民者也。以額外言之。雖沙磧斥鹵。其中不無可畊民間。自願開墾。但墾之或未畀力。畊之或未獲利。官府隨而起科。此科一起。便無脫理。將來水旱蕪

治尚不可知目前小獲永遠包臨民雖至思維肯自  
伊歲故額外難墾全在於此有如洪武十三年詔陝西  
河南山東北平等布政司及鳳陽淮安揚州廬州等府  
民間田土許儘力開墾有司無得起科三十八年令山  
東河南開荒田地永不起科以此募民堅如金石信如  
四時民未有不應者此田原係額外不必起科但使地  
無不甯民能藏富朝廷之利已多此一議當急行者也  
以額內言之非軍則民或逃徙他鄉或見在無力田久  
荒廢而人不敢耕自有司募民給帖耕種成熟未後而  
木主至矣所在告訐不奪不休甚或已無本主而本戶  
爭之已無本戶而本管里長總旗爭之又或墾出膏腴  
大收苞利則本地勢豪無不人人爭之而開墾者莫必  
其命括徠者反受其誦往往有之額內難墾又全在此  
有如洪武初令各處人民先因兵燹遺下田土他人闢  
墾成熟者聽爲己業業主已還兵燹遺下田土他人闢  
又令復業人民見今丁少而舊田多者不許依前占墾  
止許儘力耕墾爲業見今丁多而舊田少者有司於附  
邊荒田驗丁撥付以此募民堅如金石信如四時民  
末有不應者此項原係額外不與起科但使人知恒產  
竭力耕耘官府之糧自辦此一議當急行者也至於

占清查爲力不易各邊既差科道自有宏裁惟是遠左屯田尤爲緊急商之彼地多言邊地雖腴不得耕種也雖瘠不得間是幾無下手處夫豈其然所謂腴不得耕者邊烽出沒無可奈何所謂瘠不得開者官軍隱占既不戮力開耕又不甘心吐退曠廢地利積逋官糧全在於此今宜首正疆界巡行阡陌按地畫圖從某至某有田若干屬某衛所係某旗軍管種只以見在著業爲主方一里刻一石記其界址分其弓口錄其戶名道編各處如此清查而屯之實地實籍舉在於此矣比至夏秋成熟又復巡行按圖履畝此某某之屯果成熟者曾否納糧完則已否則立追果荒蕪者有無水旱災則已否則必究通徧各處如此覆覈而屯之實成實虧舉在於此矣如此清查覆覈果係著業而耕種勤納糧早者量行獎賞且獎賞其衛所之官名在籍中而無力耕種虛占拋荒者勒令退出另名軍民給帖開墾永爲己業且罰治其衛所之官則隱占未有不清荒蕪未有不墾者矣不然屯在阡陌而求之於簿書屯在山谷而了之於衙署抄謄冊籍積習相蒙何時打破且纔有至而告許出之而起奸豪肆騙良善人人自危甚則激變百有之矣此法施於遠東有軍屯而無民產尤爲易舉

之後則屯制宜詳如先年吳參議條陳溝塗封植畝  
井田遺意近日袁道長奏議墩堡統率農器更番優卹  
等款條理加密可以寓兵可以禦邊至登萊天津以防  
邊故各設水兵近萬原係耕枝豈宜坐食查得萬曆七  
年山東巡撫趙賢議青萊登三府海島二十餘處熟地  
八千餘畝令海防官軍往來耕食免納租稅二十二年  
又該巡撫鄭汝璉請撥登州軍兵渡海北長山諸島畫  
畝耕種收穫糧食運至郡治抵充軍餉二十三年長蘆  
巡鹽御史徐元正議山東島田開墾成熟已計萬餘今  
長蘆各場草場沿海一望無際乞要責成天津道專委  
分司徧歷各場不拘祖地無主荒地名募盡力開墾每  
頃每年止納鹽課四引有奇給與印帖永爲己業又令  
墾地之家抽壯爲兵聯以保伍訓以武事無事兼捕盜  
賊有事驅之戎行俱經本部覆准施行此則登津往例  
今應查責兩處司道照此處置兵屯聽其自耕自食如  
不能行則此兵百無一用斷乎當撤毋令兩地虛糜新  
餉歲至二十餘萬也

楊文弱先生集卷之十二終

曾孫 繇授梓